

說

郭

續

說郭續目錄

第六

明良錄畧

沈士謙

明良記

楊儀

明臣十節

崔鏡

造邦賢勲錄

王禕

致身錄

史仲彬

明輔起家考

徐儀世

掾曹名臣錄

王熒齋

明良錄畧

明 沈士謙

昔元綱不振群雄並起而爭之于時山童子韓林兒  
據中原僭稱小明王國號大宋改元龍鳳都亳州徐  
壽輝臣陳友諒據湖廣僭稱帝國號大漢改元大義  
都江州武昌履州民張士誠據浙西僭稱王國號大  
周改元天祐都蘇州明王瑄據四川僭稱帝國號大  
夏改元天統都成都其餘若方谷瑄據浙東陳有定  
據福建何真據廣東劉益據遼陽毛貴田豐等據山

東皆各霸一方以專號令垂及二十餘年盡混一千  
祖高皇帝矣

上卽位以所生鄉爲雄飛里舊舍兵火後不復辨但  
於地上金銀規地大會鄉之故老宴畢仍以金賜之  
特與劉氏田三十頃免十年之稅衆請罪田主上  
曰此世情耳不必問吾貧時彼豈知今日爲天子耶  
郭景祥濠人博洽經史丙申置行省于金陵上自總  
省事以景祥爲左司郎中與李夢庚侯元善等同事  
遇事敢言累遷和州總制教養大舉

劉基字伯溫處州青田人得性理學天文兵法無不  
洞曉在元舉進士不仕嘗游西湖有異雲起西北光  
映湖水中時魯道原宇文公諒諸同遊者皆以爲慶  
雲將分韻賦詩基獨縱飲不顧曰此天子氣也應在  
金陵十年後有王者起其下我當輔之時無知基者  
惟西蜀趙天澤奇之以爲諸葛孔明之流 皇帝定  
括蒼基乃指乾象謂所親曰此天意也豈人力能之  
耶總制孫炎以上命聘至金陵自是凡有征伐基密  
謀居多上方欲刑人基曰何爲上語基以所夢基曰

是衆字頭上有衆血以土傳之得上得衆之象應在  
三日當有報至三日後海寧以城降元年葉琛奏定  
處州稅糧上特命青田縣糧止作五合起科曰使劉  
伯溫鄉里子孫世世爲美談也仕終御史中丞加弘  
文館學士封誠意伯八年四月卒年六十五以天文  
書授子璉使伺服闋進且戒之曰勿令後人習也所  
著有郁離子獲詵集寫情集犁眉公集

陶安字主敬太平當塗人乙未太祖渡江取太平  
路安與耆儒李習出迎上待之厚旣而得劉基宋濂

章溢葉琛四人上問四人者何如對曰臣謀畧不及  
劉基學問不及宋濂治民之才不如章溢葉琛上多  
其善讓甲辰知饒州上賜以詩曰匡廬巖穴甚濟濟  
水惟無端盈彭蠡鱷魚因韓去遠洋陶安鄱陽卽一  
理三年入朝民爲之歌曰千里榛蕪侯來之初萬姓  
耕闢侯去之日旣而復命守饒州民懷其德復歌之  
曰湖水悠悠侯澤之流湖水有塞我思侯德吳元年  
初置翰林院召安爲學士賜誥有云江南之士杖策  
謁于軍門者陶安實先乃者開翰苑以崇文治立學

上以冠儒英重道尊賢莫先于爾丁亥 上御東閣  
安與中丞章溢等侍因論前代興亡之事上曰喪亂  
之源由于驕佚大抵居高位者易驕處佚樂者易侈  
如此者未有不亡今日聞卿之論此深有感于予心  
古者今之鑑豈不信歟癸巳上與儒臣論學術安對  
曰道之不明邪說害之也上曰邪說之害道猶美味  
之悅口美色之眩目人鮮不爲所惑自非有豪傑之  
見不能決去之也壬子奏言天子大社必受霜露風  
雨以達天地之氣若亡國之社則屋之不受天陽也



今于社稷壇創屋非禮安自入翰林國家制度禮文  
多所定擬撰文武諸命千餘上賜對曰國朝謀畧無  
雙士翰院文章第一家仕終江西叅政成辰九月卒  
年五十七疾劇猶草時務二十事上之

宋濂字景濂金華人在姬七月生六歲爲詩歌有奇  
語人呼爲神童游元末諸名賢之門至正間有薦于  
史館者辭不赴入龍山門著書名龍門子庚子遣使  
徵至金陵授江南儒學提舉奉旨授皇太子經筵  
八月上召濂講春秋左傳濂因曰春秋乃孔子褒善

貶惡之書苟能遵行則賞罰適中天下可定也甲辰  
改起居注未幾以疾告還家賜金帛太子賜有加上  
箋謝恩復奉書皇太子勉以孝友恭敬勤敏讀書無  
怠惰無驕縱進修德業以副天下之望上覽書甚喜  
召太子誥以書意且賜書答其畧曰曩者先生教吾  
子以嚴相訓是爲不佞也以聖人文法變俗言教之  
是爲疏通也所守者忠貞所用者節儉是爲得體也  
昔聞古人今則親見之二年詔修元史爲總裁官權  
翰林學士時甘露屢降上問災祥之故對曰受命不

于天子其人休符不予祥于其仁是以春秋不書祥而紀異爲是故也五年擢太子贊善上問帝王之學讀何書最要濂請讀真德秀大學衍義上令左右大書揭之兩廡之壁時睇觀之六年陞侍講奉詔搜萃歷代姦臣之蹟編爲辨姦錄及進分賜太子諸王上作祖訓錄成命濂序之嘗侍上至後苑觀穫上曰農事成矣對曰陛下能知稼穡之艱難實德也八月奉詔纂修大明日曆一百卷擇言行之大者爲寶訓朝夕禁中至七年五月乃成上嘗欲得叅大政辭曰臣

少無他長惟文墨是攻不願居職任也上愈厚之每燕見必命坐賜茶每旦令侍膳濂嘗奉制誅厲令七舉足卽成有自古戒禽荒之言上嘗與濂飲濂辭上強之至三觴面如赭行不成步上歡笑親御翰墨賦楚辭一章以賜仍命侍臣咸賦醉學士歌曰俾後世知朕君臣同樂若此也九年拜學士承旨上謂曰朕以布衣爲天子卿亦起草萊列侍從爲問國文臣之首俾世世與國同休不亦美乎輒令取子孫官之特詔太子選良馬以賜濂上親作馬歌以寵耀焉上又

嘗稱濂寵辱不驚始終無異可以爲賢人君子十年  
致仕歸臨行賜緡幣及御製文集皇太子贈以衣三  
襲上諭曰朕最慎于賞予嘉卿忠誠故有是賜又曰  
卿年幾何曰六十有八上曰藏此幣俟三十二年後  
作百歲衣也是年九月入朝上降勅遣儀曹奉醪膳  
諸物抵寓館以賜自是日侍上遊歷觀闕盤旋禁禦  
便殿侍食日宴始退上喟然歎曰純臣哉歲暮辭還  
上謂其子璉曰爾父雖去朕嘗見諸夢寐中書舍人  
史靖可太子正字桂良彥等皆爲詩歌以紀之璉

朝貢者數問先生安否日本使奉勅請文得潛溪集  
刻板國中以百金爲獻卻不受高麗安南使者至購  
文集不啻拱壁而濂躬默自持似不能言者晚年歸  
青蘿山閉門纂述人不見其面視近甚明一黍上能  
作十餘字人以爲不飲酒不嗜慾所致十三年冬孫  
懷以罪被刑濂安置茂州以疾卒于夔州端坐歛手  
而逝年七十二所著有潛溪芝園集蘿山詩彙

章溢字

益處州龍泉人弱冠從鄉先生王叔剛遊

至正壬辰斬黃妖寇自閩犯龍泉溢從子存仁被執

溢思兄止一息願以身代賊素聞溢孝友并舍之溢  
集義勇應石井宜孫退賊又以私田易粟代里人復  
行勸糴之政民受其惠旣而天下日入于亂結廬匡  
山又避地入關中歲庚子太祖以東帛召溢與劉  
基等同至建業上問勞曰我爲天下屈四先生耳自  
是擢用嘗與宋劉等從上觀綠萼梅于香雪亭賜宴  
亭上宴畢各賜白龍漚酒一瓶并天竺玉膝筇一  
根元年拜御史中丞兼太子贊善二年卒年五十六  
溢平生嘉言善行不可勝紀嘗奏減處州稅停海舟

木

王禕字子充金華義烏人有齊琦者得邵子數推言  
天運興衰甚驗見禕嘆曰公異代人物也禕亦自知  
世道終不可爲隱青巖山著書不求仕戊戌太祖  
下金華聞禕名遣使徵至行在一見大悅

太祖卽位之後親戚無貧富皆賜朱戶復其家至今  
村上數家茅屋柴扉上猶施朱

開元寺潛龍殿基多龍鳳磚上微時嘗鑿之爲硯及  
卽位遣使輦之內府中都人爭效之一日輦取殆盡



號龍鳳硯

上起兵時嘗夜過塗山橋間前有人云胡運窮胡運窮廣運有神通扶桑墩上日照得木間紅工忽之忽不見及卽位改橋名廣運

上攻下鳳陽時飯于脩然石亭忽有寇兵遮至遣飯而去至今呼其坐石爲遺飯石

上嘉徐達之功特建開國元勲閣于鳳陽府以表之曰俾萬代不誤也

明良記

吳郡楊儀

吳文定公寬初以歲貢入監後科第登狀元官階至  
閣學世稱三極

施會元顯建文中遭放黜還家丹陽道中有詩曰寒  
驢駝病出京華細策吟鞭數落花借問呢喃雙燕子  
隔江楊柳是誰家

朝定制鄉試以子午卯酉年會試以辰戌丑未年  
惟兩癸未年一以太宗靖內難一以文場災並以

甲申開科正德庚辰 武宗南巡會試登第者至辛巳始廷試或謂可以當癸未之數矣特天運小變先後耳

平江伯陳恭襄公瑄既通運河緣堤皆樹楊棗二本並淮北所宜且楊枝可薪棗實可噉又易長多陰悉聽運夫爲利其後土民併根伐之其舉近官舍者並輸入官運夫既不敢謀而官司亦不復問矣

羅一峰倫每下筆爲文章文思泉湧不能遏輒自言  
帝曰還用你不着

丘瓊臺滿王三原恕並以大賢立朝然不相能王謂  
丘作五倫全備傳奇有傷風化失文宗體丘謂王自  
刋章疏彰君之過失大臣體

張尙質在京師穴地藏舞妓夜燕其中以此被劾不  
敬

武宗幸楊州買民舍自居仍以契付稅課局批稅藏  
之

吳康齋與弼召至京師常以兩手大指食指作圈曰  
令太極常在眼前長安浮薄少年競以蘆葦投其中

戲侮之公亦不顧

庚辰年至京師見智永千文二千字無一殘缺其前有宋徽宗瘦金細書黃綾貼云梁釋智永真草千文是李文正公家物

武功伯徐有貞初在張秋治水方畧未定或謂當大濬一溝或謂當多開支河乃以一甕鑿竅方寸者一又以一甕鑿竅方分者十並實水發竅十竅者水先竭乃多開港汊以殺水勢

李尚書旻初以省元入監時丘瓊臺爲大司成

通曰浙江解元李旻見丘公怒其淺劣令卽用其語  
爲題作破目李應聲曰以一省之名魁謁天下之宗  
王丘公曰不然虛譽雖隆而實德則病者浙江解元  
李旻然也

我朝科貢恩例四等入冑監滿日並許戴遮陽大帽  
卽古笠也吳文定公未及第時久困科場作詩戲咏  
曰似傘難遮雨如鏡却畏風

高帝旣制官員月俸仍有食塩其關支之時駝負有  
不勝者輒委棄於地帝偶見之問之乃刑部人也

帝曰此無他以多厭弃耳命刑部食鹽遞減十斤  
況司徒鍾少貧賤有御史過聊城縣官發徒前驅公  
在遣中御史就輿中假寐忽見神人謂曰尚書導輿  
能安坐耶覺而異之因物色諸執事見公年少狀貌  
雄偉令縣收錄教之果大顯

正德初馬端肅公文升在吏部論試選人以宰相須  
用讀書人爲題蓋正德者宋世西夏李乾順僭號故  
舉乾德故事諷之

李文正公久在相位忽有狂生遮道獻詩曰才名空

與斗山齊伴食中書日已西回首湘江春水綠子規啼罷鷓鴣啼文正見之不覺泣下急使人召之已失所在矣



明臣十節

相臺崔銑

銑自童艸好訪求賢士大夫善行先君是之每舉以語銑及長遊四方又官兩都聞見日充南昌東白先生張公告我尤詳庚寅秋八月獲承後渠夕涼寡慮乃取其不疑者十節識于篇皆傳志之缺者云

正統初王振問大學士楊文貞公曰今九卿無山西人豈皆不賢者乎文貞曰僉事薛瑄其人也已而文

清至京，振使僕致餽于文清。文清固却之。僕曰：「公何  
歟？」與諸方面以千金求通于吾公，不得。階君反却其  
餽，邪禍將立。至吾危，君吾危。君僕歸，跪對振曰：「大懼  
在我，不厚鄉人以美官，而乃愧酒肉。彼却之固當已。」  
遷文清大理少卿，又餽。又却之，亦不往。謁未幾，文清  
得罪。

天順初，岳先生正以修撰入閣。英皇召而問曰：「卿  
何以輔朕？」正曰：「今內臣武臣權重，上領之曰已，下  
公退告曹欽石彪，令調兵歸第，不然上將有疑心。」

走告大監吉祥吉祥詣 上垂泣免冠請死具道  
所由 上曰無之乃召正責其淵言正曰固也臣觀  
二家必有叛之誠卽今無可按之誅吾欲全君臣共  
難之情故令早自爲計 上不說二囚遂陷岳公西  
戍尋卽叛誅

天順末讒者謂 憲皇景泰嘗廢之當別立嗣 英  
皇意疑之獨李賢不從一日 上病卧便殿召李賢  
諭曰今庶事頗寧顧大者反搖柰何賢曰此謂國本  
也力陳不可動 上曰然則此位竟傳太子乎賢叩

頭賀曰宗社幸甚遂傳旨召太子須臾至賢曰殿下  
事定趨入謝太子抱上足對泣讒遂不行成化  
初李公遭喪奪情寔憲皇固眷云

段公名堅字可久蘭州人爲福山令李文達公薦遷  
萊守二公竟未而也後改南陽段公尚教化凡屬吏  
不法者卽案問民或良或奸相宜訓治識王凝齋尚  
書張貢士純于微賤躬督令學皆成名儒吳翁然自  
禮女纓而殉夫死者二人公自往祭南陽至今美俗  
公嘗被酒杖因醒而忘其故是後飲旣不節

楊公繼宗知嘉興治一豪強伏罪而釋之其民改行杜門五年不出後以事入城行由治前橋公識之使人召而來曰爾今爲吾良民矣遺米一斛勢人子由官謀署縣篆大竊帑金莫敢向公至收治追金卻吏行部欲出之乃詰公曰盜有失主何人也公曰朝廷卽失主又詰曰原告何人也公曰知府卽原告鄉吏慚而去公踰壯年卽獨居在嘉興九年止一老僕朝夕飯兩盂蔬兩豆而已夫人自其鄉來閱三日促歸官滿田郡居宿客堂蔡介夫鴈清操獨以絕欲爲

難能常歌公行自勵云

陳克菴先生選長憲河南守令用非刑者笞送吏部  
不貸賊吏然受賂百金者要辭但列六七錢或問之  
公曰汚人惜財如惜命如責賂厚彼挈而貨權人則  
法撓而難除矣然吾權此待茲時非正法也太監汪  
直被命巡都國威作人主至汴自都御史以下俱合  
參若朝禮然獨陳公長揖不屈直令左右負而劾公  
呼曰內官乃辱朝廷大法司邪直愾然命釋公  
成化中政理物豐臣無重譴內則宣威外則閭閻各

引私朋寘清獄及閩江直吏李攸省髮戚萬氏繫寵  
又進退大僚矣惟王端毅公著節焉公撫雲南乃瘡  
之危公舉大體畧苛務權強伸窮雖錢閣亦心仰其  
治土夷詳近畧述凡政下川片紙直陳數言事妥詞  
省滇人傳誦至今公治經就所行而究多曷舊訓嘗  
言宋諸儒可謂善言德行矣門人稱尊之文不無過  
實云

劉忠宣公大夏在司馬 孝皇眷之造滕奉討所謀  
雖輔臣不與聞一日 上張綬衣于內宮之隙屏左

右召公問曰朕守 祖訓不敢踰分漁民然各省歲  
奏民窮而亡者何大夏叩頭曰臣在廣東久請言廣  
事巾箱一闕歲所歛與省大小官俸稟埒稍縱又倍  
徒皆辦于民上曰此弊久病之但朕在內勢孤如陳  
寬靖已李榮庸劣不足慮惟蕭敬悉故事朕所須問  
然不假以權此事卒難大更但老者死或以罪罷不  
以嗣代可也綴衣後一章闕伏地竊聽未幾孝皇棄  
天下忠宣竟戍甘州

成化中白沙陳獻章學禪而疎一峯羅倫尚直而率



定山莊果好名而無官皆負巨望焉楓山章公懋賞  
約淳雅潛修默成甫四十年棄官還郡賀諫議欽鄭  
御史已皆責公交疎於隙莊公遜謝之後白沙受清  
秩而交泛一舉行鄉約而戮族人莊晚又仕而敗章  
公德行無瑕起掌南監日臨經訓勸士進德畧其瑣  
屑常矩泰和羅欽順爲司業方嚴沉密能裨公之教  
董吏部玘稱公留心經世之務每一政先稽古典次  
參經制折衷于道而定矩焉家故田居諸子躬操器  
治農邑令過訪諸子輟殺跪迎在司成其子白金華

徙任來省道逢巡檢筭之已知請罪公笑曰吾于垢  
永弊履宜爾不識也論者曰古三不惑公有之矣

雍泰字世隆西安人剛果自任所治以威烈著稱許  
襄毅曰世隆有克亂之才必死之節巡撫宣府指揮  
李靖聞老西涯惻情援橫作雍公榜掠將竄之西涯  
右驍烈雍公除名正德戊辰劉瑾屠虐縉紳有勸其  
起時望以善厭議者乃起雍公南國操江遂拜南司  
徒公憤不樂或問曰今將公于朝政奚所先公  
曰請戮劉瑾爾聞者吐舌已瑾怨公不餽謝仍故除

名凡在先朝薦公者皆得重禮云

危邦賢勲錄畧

夏山王禕

文臣

楊元杲

滁人

累官應天府尹

安然

開封人

初授起居注

累官工部尚書御史中丞十四年卒

郭彥仁

無爲人

歷官嚴州知府

陳灌

廣德人

上克武昌因弘文學

士 羅復仁 謁

上歷官寧國知府有治功

阮弘

道

餘人

歷仕閩江二行省參政

鞠騰霄

山陰人

素負才不

讓 詹彥中

淮人

國初陞湖廣行省參政及去民立懷

造邦賢勲錄

治碑

劉辰

金華人

謁

上授點籤奉使方谷玆玆令

左右飾二姬以進辰叱之其人慚而退又為湖廣御

史知鎮江府累官刑部尚書

王宗顯

烏江人

累官至

寧越二府開郡學延業儀宋濂為五經師戴良為學

正吳沉徐源為訓導符一晴知名之士亂離後知文

向學始于此

趙耀

寧晉人

以中書自提控官至北平

參政馬汝舟

武陽人

官常德知府

朱守仁

餘州人

歷

官四川布政

周忠

金華人

國初召青龍殿奏對稱百

餘文勝龍州知州

詩存仁

諱之孫

歷官博士祭酒

單安仁歷官兵部尚書 潘廷堅 壽寧人 監官中書

博士金華同知翰林學士 于輔歷官湖廣按察使

會脩大明令為議律官 錢宰 會稽人 以老儒徵至京

纂修尚書節文 宋訥 大名人 歷官學士祭酒尤得師

道 御史大夫陳寧 學士劉三吾 並湖南人 陳遇 居陵

上渡江以書札徵至授供奉司同辭不受 上

數幸其第洪武初陳治要三授學官亦辭賜肩輿校

尉十人使其出入召令草平西詔受重賞遺疾 上

親賜藥于恭天順間至工部尚書危素以勝國名臣

通九國照會

仕我朝爲學士

上重其文學厚待之

秦從龍

洛陽

謀畫帳中深見採納每以漆板書信問答人莫知

也乙巳求還鎮江

上餞之郊外握手爲別

張孟

素

江浦人

洪武中爲太常丞自負爲文奴視同輩劉基

嘗爲

上言今文章士第一宋濂臣基次之又次張

孟素歷官山東布政

秦約仕至禮侍郎以母老歸

入觀陳三事多稱善

沈德以文學選入文華殿說

書早官山東參政

直隸

全思誠以老儒召爲學士

何廣洪武中舉明經在郡邑稱循吏在風憲有激

揚在藩垣得方岳體

並其人

吳雲以賢良授弘文校

書累官刑部尙書

楊得安出太學生歷官僉都

並宜

典人

虞謙

金壇人

由監生累官大理卿天津衛倉災焚

燬數十萬御史按主守者盜之因火謙察其寃白上

得減死論又嘗上書言七事皆切時務

李民瞻

揚州

人

官至刑部尙書

馮諒以才能累陞尙書

楊靖

乙丑進士累官左都

李澈有幹濟才陞兵部尙書

並山

陽人

鮑恂以明經召授文華學士輔導東宮

貝瓊

徵修元史官至國博士

程本立由秀才出身官至



進升賢顯對不

僉都並崇德人殷近仁嘉興人國初以孝悌授平遙令以

所著蒞政戒銘四十二篇獻于朝羅廣西叅政嚴

震直國初以稅戶官至工部尚書陳援官大理丞

陳治平十疏閩良輔常奉使暹羅國官至廣東廉

使潘長壽由人材舉任僉都並湖州人周淵壽昌人以

能書授舍人陞至四川叅議蘇伯衡文采敷腴國

初擢編修鄭沂洪武末以人材召至上以其孝

義卽授禮部尚書並金華人徐恢國初累官戶部尚書

何初召修詞書會選並京山人趙倣以儒士召爲司

業名重當時 呂升以教授陞江西僉事調福建有

蜚傷稼祝天大雷雨作蜚盡死

並山人

桂彥良應召

命作香几贊授太子正字問治道以正心對而懲忿

窒欲爲本又條陳十二事名萬世太平治要上之

陶鑄爲御史正直不避嘗劾刑部尙書開濟不臣爲

福建廉使劾布政薛大方貪墨偕召至京民爲之詩

曰陶使再來天有眼薛公不去地無皮 陳遠有晉

人風度召寫 御容賜金帶帛授文淵待詔

並寧波人

戚存心

黃巖人

禮部侍郎

劉廸簡

宜春人

國初徵授尙

賓副使陳時務進皇王大學通旨 劉松禮部侍郎

權吏部尚書 梁伯興吉安人 嘗撰日本國詔稱旨官

至河南布政 曾魯新塗人 與修元史累陞禮部侍郎

夏恕刑部尚書賢良 劉世英僉都甘肅人 石璞以教

職陞戶部尚書 趙珣吏部尚書 趙翥工部尚書

並儒士 范敏戶部尚書秀水並河南人 張謙初為御史再

薦誠獨向說苑吏部奏第一授禮部侍郎 朱善累

官文淵學士並南昌人 胡楨刑部尚書 于敬杭人 春

坊中允 薛祥盡人 工部尚書 秦遠太平人 出國學生

果官工部尚書 唐同新安人 歷官博士承旨兼吏部

尚書 高巽志博學能文與修元史官至侍講 宋

守仁徐州人 工部尚書 和希文學行過人官至刑部

侍郎 王克已以文學起家至吏部試尚書 齊麟

原宋禮部侍郎 僕斯應入戶禮二尚書 李敏工部尚

書 唐鐸兵刑二尚書 上重其德 郁新以才能

授戶部主事尋陞侍郎 金純禮工二尚書 吳斌

持法不撓朝廷重之官至左都 陳居敬戶部侍郎

楊翼安禮部侍郎 張泌光祿卿 並中都鳳陽人 又左丞

汪廣洋 治書侍御秦裕伯 弘文學士睦稼 起

居注樂鳳韶 兵部尚書吳琳皆國初名臣可以表

一世者 不思顏以元臣歸本朝辛丑七月 上視

事東閣時大熱坐久汗濕衣左右更衣以進皆經澣

濯者思顏曰 主公節儉如此誠可爲子孫法惟願

始終如一 上悅

武臣

徐達

以陽人

以軍功封信國公元年加特進有誥云從

予起兵于濠上先存捧日之心迨茲定鼎于江南遂

作擎天之柱末云太公緡畧當弘一統之規鄧禹功  
名特列諸侯之上克元都市不易肆人謂曹彬下江  
南伯顏入臨安不是過也改封魏國公十七年卒追  
封中山王謚武寧

常遇春

懷遠人

以軍功封鄧國公洪武己酉卒于柳河

川

時征大寧

追封開平王謚忠武

李文忠

盱眙人上之甥

以取應昌功最大封曹國公十六年

命領國子監事

上諭以爲國家育材之地公侯子

弟咸在非得威重望臣無以勸勵故命卿十七年卒

追封岐陽王謚武靖

常師金華  
范祖幹

鄧愈

泗州人

以功封衛國公

上稱其智如淵之深不

可測也卒葬三山門西山原

車駕臨奠諭朱夢炎

爲碑文追封寧河王謚武順

湯和

濠人

三吳悉定除御史大夫賜誥有云麾精騎于

滁和渡義旗于姑孰金陵地闡明開日月之衛鐵甕

城環險據江山之境又云載嘉骨鯁之貞誠若鷹鷂

之搏擊二年封中山侯上稱爲熊虎之將二十八年

卒追封東甌王謚襄武

沐英豫人有功十年封西平侯十四年生擒達里麻于

曲靖雲南梁王懼先縊其妃自投水死二十二年入

朝上宴之奉天殿二十五年卒追封黔寧王謚昭

靖

李善長

定遠人

初謁

上

上以長者禮之既定金陵

置江南行中書省以善長爲叅議時上保有江左

命將四征百凡供億皆善長傳給之辛丑二月議立

鹽法錢法茶法甲辰陞右相國論平吳功封宣國公

二年奉詔編祖訓定封建國邑及百官之制三



年議置司農司丙申進封韓國公誥命有功同蕭何  
之語 上與陶凱論齋戒當致誠因謂善長曰人之  
一心極難檢點心爲身之主若一事不合理則百事  
皆廢所以常自檢心凡事必求至當今每遇齋戒必  
思齊整心志對越神明七年 上移江南民十四萬  
詣濠給與牛種使之開墾荒田永爲已業命善長總  
其事二十三年卒

馮勝

定遠人

有功三年征西北上番封宋國公賜誥有

云居京師則除肘腋之患

誅張祖

歷征伐則建爪牙之

功三十二年卒

胡大海

歙縣人

有功歷官江南行省叅政守金華苗軍

叛陽請大海至入詠樓下觀弩遇害封越國公

馮國用

定遠人

初謁上妙山問計以定鼎金陵不貪

不殺爲討嘗以一身宿衛帳下令降將四繞以安反

側卒年三十六車駕臨葬追封郢國公

耿再成

泗水人

從征有功守處州苗軍作亂大罵不屈而

死追封泗國公賜茶果山園地一千七百畝以奉祀

趙德勝累有功從朱文正守南昌癸卯陳氏攻城德

造邦賢勲錄不

八

勝中弩卒于私第追封梁國公

廖永忠

果縣人

有功嘗與呂珍戰不利爲所獲士誠欲

降之不屈卒于蘇州

上親製文祭之追封耶國公

俞通海

巢縣人

友諒中矢死俘其御舟征張氏敗寇兵

于滅渡橋中流矢卒追封統國公謚忠烈

丁德興弟

上偉其貌以黑丁呼之圍蘇州卒于軍

追封濟國公

張德興

合肥人

友諒犯龍江追戰采石卒于戰追封恭

國公

耿炳文

澤人

吳平論功降褒諭有今日之功無忝古之

名將等語三年封長興侯二十三年死于戰

吳良守通州使張氏不敢西侵以是上得畢力于

友諒上嘉其功命宋濂爲文美之三年封江陰侯

傅友德

陽山人

累有功嘗面中一矢鏃出腦後不爲沮

三年封穎川侯

廖永忠

巢人

征西廣立大功二年封德慶侯八年卒

吳禎

良弟

平福建三年封靖海侯

陳德

濠人

從征有功丙申平浙右繼靖中原封臨江侯

十一年卒追封杞國公謚定襄

費聚有軍功守關陝尤著績封平涼侯二十六年卒

王志濠人以功封六安侯三十九年卒追封許國公謚

襄簡

鄭遇春濠人與兄遇霖同輔太祖論功封榮陽侯二

十三年卒

康鐸才之從征雲南漢北皆有功封蘄國公

郭子興濠人克漢吳有奇功三年封鞏昌侯十六年卒

益宣武

趙庸

廬人

有功三年封南雍侯二十三年卒

楊璟

合肥人

三年封荊陽侯十五年卒謚武侯

朱亮祖

六安人

三年封永嘉侯十三年卒

汪興祖

巢人

三年封東勝侯

有過不典

薛顯

沛人

三年封永城侯二十年卒謚桓襄

俞通源三年封南安侯二十二年卒

蔡遷有功累官廣西行省叅政二年卒上親爲文述

其功

韓政三年封東平侯十七年卒

黃彬三年封宜春侯十六年卒

梅思祖

歸德人

自張王來歸

上卽授大都督制有云

辭項歸劉知同曲逆舍鷖去術識擬伏波語極褒賞

之三年封汝南侯十五年卒

陸聚三年封河南侯十三年卒

華高

和州人

三年冬以軍功封廣德侯卒以無嗣納券

墓中

康勝宗三年封近安侯

陸仲亨

潯人

三年封

吉安侯

後以舊借爵

曹興國十二年征西番論功封懷

遠侯

周武十二年封雄武侯

周德興

潯人

三年封

江夏侯 華雲三年封淮安侯 顧時三年封濟寧侯  
國初從征有功封侯者不止是又有舳艫侯朱壽  
鶴慶侯張翼 永寧侯張詮 鎮遠侯顧成  
十二年以征西功封侯者靖寧侯葉昇 定遠侯王弼  
安慶侯仇成 鳳翔侯張龍 安陸侯吳復  
永平侯謝成 航海侯張赫 十六年以南征功封  
侯者東川侯胡海 晉定侯陳桓 崇山侯李彰  
武定侯郭英 洪武前後不封侯授以軍職者莊齡  
孫世廬高顯丘廣陳文陳清胡通繆大亨何文輝張



彬戴德金興旺王成單發王簡何德張溫楊文趙圭  
並至都督僉事王真潘毅徐司馬袁義王臻王德  
陶文興潘敬並至指揮王玉宋朝用湯昌並至元  
帥趙賊桓密院判謝彥劉謙袁洪陳勝陸旺並至  
都督胡淵至四川都司張旭孫繼逢何文政濮  
瑛胡天福俞輔王雄唐英湯克明從鑑常守道趙監  
陶成楊義韓春胡保舍霍輝武尉劉聚袁政秦友諒  
翁子奇皆指揮同知僉事等官

袁義二十三年入朝上惜其老命太醫院爲之染

鬚 吳祿爲深水令有聲 上作褒賢頌送之

郭英 上呼爲郭四嘗有急連呼之英持鎗躍馬奮  
臂大喝賊應手而隕 上解所御赤戰袍衣之曰唐  
之尉遲敬德不是過也

備遺錄

新淦張芹

太常寺卿黃公

公諱子澄江西分宜人初名湜以字行博學多才洪武癸亥貢入太學明年京闈鄉試第二乙丑會試第一進士及第第三授翰林院修撰尋兼春坊官侍東宮講讀累遷太常寺卿太孫立諸王多不心服一日太孫坐東角門召子澄告曰諸王尊屬各擁重兵何以制之澄以漢平七國事爲對太孫喜曰得先生謀

吾無慮矣及卽位有言周齊湘代岷五府爲變者朝  
罷召子澄謂曰先生憶昔東角門之言乎子澄曰不  
敢忘也遂與齊泰謀遣李景隆往執周王徙代王于  
邊以兵圍湘王于荆王自焚歿執齊王囚之京師珉  
王降爲庶人 燕邸亦加誚讓朝廷以子澄爲功褒  
賞之己卯七月靖難兵起移檄誅子澄及齊泰等耿  
炳文旣敗詔李景隆率兵百萬以往景隆自負文武  
林子澄授以指畫景隆依違而已子澄甚憂之未幾  
景隆戰敗奔還京師赦不誅子澄哭諫曰景隆出師

無紀意在觀望不誅之以謝宗社何以懲將士不聽  
已而徐凱盛庸繼踵敗衄顧成等皆降子澄撫膺慟  
曰大事去矣萬死不足贖誤國之罪矣乃賦詩以志  
痛詩曰仗鉞曾登大將壇貂裘遠賜朔風寒出師無  
律真兒戲負國全身獨汝安論將每時悲趙括攘  
何日見齊桓尙方有劍憑誰借哭向蒼天幾墮冠聞  
者哀之尋用廷臣議謫子澄及秦子遠方以快敵意  
其實陰使之募兵也時諸將猶守淮南而文廟之  
師渡江矣京城破子澄死之宗黨連坐者甚衆

兵部尚書齊公

公諱泰應天府溧水人洪武丁卯鄉貢進士始名德  
後受知於高廟改賜今名筮仕禮部主事一日雷  
震謹身殿上躬禱於天擇九年無過官陪禮泰與  
焉乙亥爲兵部左侍郎戊寅進本部尚書嘗被召問  
邊將姓名泰歷數無遺又欲考諸圖籍泰出袖中手  
冊以進自是益承眷遇及上棄羣臣泰與受顧命  
輔嗣君日見倚重遂與黃子澄議削弱諸藩邸及靖  
難兵起泰主用兵之策命將出師多其籌畫嗣君惟

召學士輩討論周官法度處便殿弄翰墨而已閫外  
事一以付秦秦遂移檄指斥親王或難之秦怒曰  
名正言順敵乃可服是何言邪語聞秦罪遂重秦以  
谷王瀾師遁還慮遼寧二府爲變召還京師寧王與  
靖難師合惟遼王至始與北兵戰猶互有勝負及勢  
不可支乃謫其官以求解兵時二年七月也李景隆  
奉書文皇謂齊黃皆已屏竄遐荒可息兵矣文  
皇不信進兵益急尋召秦還而京城已定嗣君出迎  
秦追之不及至廣德州時翰林修撰王叔英在州募

兵以秦爲貳令州人執之既至秦告之故乃釋與國  
再舉後被執不屈而死親黨連及者數百人武云秦之臣走也其所舉自爲極驍虞人識之乃以果塗黑焉既而行連馬汗流墨脫竟爲人所蹤跡

翰林侍講方公

公諱孝孺字希直一字希古別號遜志浙江寧海人  
父克勤爲濟寧太守子三人公其仲也生之夕有大  
星墮於其所自幼精敏絕倫雙瞳炯炯如電目讀書  
積十年十四五侍父北遊歷齊魯故墟覽周公孔子  
之廟宅求七十子之遺蹤慨然以爲彼七十子縱顏



閔未可幾及其餘若樊遲冉求輩使與之同時豈皆  
讓之但今世無孔子者出不得所依歸耳自是精思  
力踐進修不已弱冠從學宋濂時濂所收皆天下名  
士公五經百家皆已蘊籍凡理學淵源之統人物絕  
續之紀盛衰機微之載名物度數之詳靡不研精離  
析而會歸於大道謂化民必自正家始作宗範九篇  
以告宗人嘗卧病絕糧家人以報輒曰古人有三旬  
九食甌無儲粟者窮豈獨我哉因相與大笑而止父  
嘗被誣謫戍江浦上疏乞代役不報洪武十五年吳

沉揭樞等薦公可大用聘至入見稱旨 上謂太孫  
曰此莊士也當老其才以輔汝試靈芝甘露論論遣  
還家丁卯復召至 上方重賞罰以其志存教化謂  
左右曰今非用孝孺時乃擢將仕佐郎漢中府學教  
授蜀獻王延之處以賓師使之講經論文無虛晷當  
時蜀治依於禮樂公之功也丙子校文應天府戊寅  
太孫卽位召爲翰林侍讀學士每臣僚奏事必命公  
就展前批答言聽諫行近古所無公嘗作書事詩曰  
斧展臨軒几硯閒春風和氣滿龍顏細聽天語揮毫

久攜得香煙兩袖還風軟彤庭尚薄寒御爐香繞王  
闌干黃門忽報文淵閣天子看書召講官其相與如  
此時朝議削弱諸藩公與其謀靖難師起移倣誅姦  
臣公名與焉姚廣孝嘗啟文廟曰殿下人京慎勿  
殺方孝孺殺此人天下讀書種子絕矣至是勢迫公  
自分必死乃作絕命詞其略曰天降喪亂兮莫知其  
繇姦臣得計兮謀國用猶忠臣發憤兮血淚交流以  
死狗君兮抑又何求嗚呼哀哉兮庶不我尤既而  
文廟踐祚求代草者廣孝薦公召之數回乃以衰服

入見慟哭不止授以筆投之地 文廟曰吾效周公  
輔成王而來公曰旣稱周公輔成王今成王安在且  
成王旣沒當立成王之子因有滅十族等語 文廟  
大怒 命割其舌乃含血犯御座語極不遜磔之至  
死乃已遂誅其宗親八百四十七人焚夷其先人墓  
後 仁廟嘗與近臣論及曰孝孺是箇忠臣永樂二  
十二年十一月御劄禮部建文中姦臣正犯已受顯  
戮家屬初發教坊司錦衣衛浣衣局并習匠及功臣  
家爲奴今有存者旣經大赦可宥爲民給還田宅於

是惟一子婦魏氏得歸卽其故居立祠祀之所著遜

志齋集行於世

武夫初奉景隆父子奸賢下士與公交遊其爲景隆之神師北伐由公爲

之既而景隆不降漸有異志人多知之以告建文建文雅信公遂不復從卒間門以降益不免於誤聞也

### 副都御史練公

公諱安字子寧以字行江西新淦人父伯尚洪武間

爲起居注以直言忤旨謫歸德州同知後遷臨安鎮

江二府通判卒于官公性資英邁志操不凡幼從鄉

長者竹莊先生遊竹莊命賦水竹村居有千山暮雨

石泉通一夜春雷籜龍長之句竹莊甚奇之後遊邑

庠與金公幼孜相友善嘗謂之曰子異日必為良臣  
我當為忠臣洪武甲子領鄉薦明年入對大廷極言  
朝廷用人徇其名而不求其實以小善而迅進之以  
小過而迅戮之因歷陳古人所以教養任用之道言  
甚剴切高廟嘉之擢第二名進士及第授翰林院  
修撰公益以名節自礪於是聲望藹然未幾以母喪  
去位力行古喪禮服闋陞吏部左侍郎尋遷御史臺  
左副都御史革除間與方公孝孺等特見信用靖難  
師起公極論曹國公李景隆姦邪不忠一日於朝班

內執景隆數其罪奏請誅之不聽公憤激稽首請先  
伏誅遂罷朝師旣渡淮靖江府長史蕭川道衡府紀  
善周是修上書論大計指斥用事者罪書下羣臣及  
兩人議用事者怒盛氣以詬兩人公言國事至此尙  
不容言者乎願所論吾過有則改之無則加勉詬者  
愧而止 文廟繼統召公責問公不屈而死嫺親被  
逮戍邊徼者甚衆惟吉水錢氏得免及錢公習禮仕  
於朝爲鄉人所持恒懷不安以告少保楊公榮楊公  
乘間以聞 文廟欣然曰使練子寧今日在此朕固

當用之耳後同知王佐輯公遺文一帙序之曰金川王屑集提學副使李夢陽立金川書院祀公父子名其堂曰浩然而刻石記焉

禮部右侍中黃公

公諱觀字濶伯一字尚質池州貴池人父贅于同邑許氏從其姓公既仕始復姓公自幼穎異長受業於元翰林制黃公殷士天兵入大都殷士死之公益砥礪以忠義自許洪武庚午領鄉薦辛未入對禦策大要以大道福善禍淫之機人事練兵講武之法爲



言高廟嘉之擢狀元及第授官翰林尋陞禮部右侍郎華除年間改官制增侍中員次尚書以公爲之與方公孝孺等日見親用靖難師旣渡淮公徵兵上游率諸郡入援奮不顧家且行且募兵至安慶聞京城已定痛哭謂人曰吾妻素有志節必不受辱遂招魂葬之江上明日家僮自京逃來果言夫人翁氏暨二女俱被執有象奴得之叱取釵鈿出市酒餞夫人遂攜二女率家屬十人赴淮清橋下溺焉公舟至李陽河度大事已去不可爲乃東向再拜於羅漢磯湍

水急迅給舟人奮櫂遂自溺焉郡人柯暹嘗爲傳其事匿不示人後知縣清江龔守愚於公所居故址學宮之西立祠祀之

禮部尙書陳公

公諱迪字景道寧國宣城人曾祖巨卿元江州路總管祖宥賢父仲康撫州守禦千戶公自幼備儻有志操洪武初辟郡學訓導己未以通經召除翰林編修乙丑陞侍講預修大典辛未陞山東布政司左參議捕蝗弭盜民甚德之甲戌丁內艱奪情起服

辭不允乙亥陞雲南左布政使時曲靖烏撒烏蒙等

處有賊猖獗公率師擊破之獻俘於朝有白金綵

幣之賜戊寅陞禮部尚書革除二年水旱求言公條

陳清刑獄恤流民等事多見采納尋加太子少保辭

所兼俸不受靖難師起公與太常寺卿黃子澄兵部

尚書齊泰等上疏陳大計文廟繼統召公責問公

不屈與子丹山鳳山等六人同劄于市

丹山等哭呼曰父兄罪戾

輩也迪曰今日休說這話一云迪之臨刑也文皇命割其子肉塞入迪口令自啖之因曰好男不迪

日這是忠臣孝子底內香美初廷臣同約死義者二

好男我若是亂臣賊子云云

初廷臣同約死義者二

十五人惟鄭賜黃福尹昌隆歸附後數十年有司於公故居立祠祀之

戶部侍郎卓公

公諱敬字惟恭浙江瑞安人後徙滄洲博學多能談論英發天文律曆地理兵刑皆造其與十五六歲時讀書寶香山嘗夜歸值風雨路得一牛騎以行及門縱之則虎也洪武戊辰繇進士爲給事中嘗言諸工服飾踰制高皇笑而納之歷宗人府經歷進戶部侍郎革除初文廟入朝卓密奏曰燕王智慮絕

人酷類 先帝夫北平者強幹之地金元所繇興也  
宜徙燕封南昌以絕禍萌夫萌而未動者幾也量時  
而爲者勢也勢非至剛莫能斷幾非至明莫能察疏  
上建文君大驚袖而人事竟寢後靖難兵人有執敬  
數之曰此得非前日奏我諸王者耶敬厲聲對辭不  
遜且曰若用敬言王何能至此 上怒欲殺之繫之  
獄使人諷之受官不屈姚廣孝乃借吳不殺范蠡而  
蠡卒滅吳王衍不殺石勒而勒終滅衍夫敬言誠見  
用 陛下豈有今日於是斬敬夷三族

左拾遺戴公

公諱德彝浙江奉化人洪武甲戌進士第三授翰林  
編修甫三載陞侍講上諭之曰官翰林者雖以論  
思爲職然旣列近侍旦夕在朕左右凡國家政治得  
失生民利病當知無不言昔唐陸贄崔羣李絳之徒  
在翰林皆能正言讖論補益當時顯名後世爾盍以  
古人自期待哉公與侍讀張信皆頻首謝繇是感奮  
思所以稱上意拾遺補闕直聲振於朝改監察御史  
益善于其職革除間改左拾遺靖難師旣迫與黃

子澄齊泰方孝孺練子寧胡閭宋徵韓永等日夜  
策防禦後俱死難

都給事中龔公

公諱秦字叔安浙江義烏人九歲而孤母傅氏躬教  
之洪武丙子領鄉薦入太學授戶科給事中辛巳遷  
都給事中壬午六月靖難師駐金川門與妻傅訣曰  
顧事至此吾分死矣爾齋勃攜幼穉以歸否則俱溺  
于井辱可免矣言未竟火起內庭公馳赴之道爲兵  
校所執見上於門外命非姦籍者釋之公亦釋遂

從城上投下而死時年三十六

太常寺少卿廖公

公諱昇洪武中爲五軍都督府斷事二十九年六月  
遷太常寺少卿革除中修 太祖實錄與侍讀學士  
高異志俱爲副總裁壬午六月京師平自縊歿

副都御史陳公

公諱性善初名復以字行浙江山陰人洪武丁北進  
士授行人司副遷翰林檢討勅止安雅書法精研  
上嘉悅之超拜禮部左侍郎革除間以副都御史監



李景隆軍北伐白溝河之敗朝服躍馬入河以死

大理寺少卿胡公

公諱聞字松友江西鄱陽人嘗題竹詩于吳芮祠壁

間太祖征陳友諒時見之深加歎賞陰記其姓名

詩云湘人無俗懷寫此蒼龍骨九天風雨來應爲作雲物後以薦至闕上識之

曰此題詩鄱陽廟者也授都督府經歷革除間累遷大理寺左少卿靖難兵入京師死之

宗人府經歷宋公

公諱徵革除間建議親藩不順削其屬籍故靖難之

兵計爲事平就戮其詳不可考

翰林修撰王公

公諱叔英字原采號靜學浙江黃巖人洪武中爲漢陽縣知縣革除初召爲翰林修撰上資治八策曰務學問曰謹好惡曰辯邪正曰納諫諍曰審才否曰慎刑賞曰明利害曰定法制皆援古證今鑿鑿可行且曰太祖皇帝除姦剔穢抑強鋤梗如醫者之去疾農大之去草然急於去疾則或傷其體膚嚴於去草則或損於禾稼固自然之勢今體膚疾去之餘則宜

調燮其血氣禾稼去之後則宜培養其根苗亦宜  
然之理也識者知公有經濟遠略靖難師起公奉命  
募兵廣德知事不可爲乃沐浴具衣冠書絕命辭曰  
人生穹壤間忠孝貴克全嗟予事君父自昔多過愆  
有志未及竟奇疾忽見纏肥甘空在案對之不能嚥  
意者造化神有命歸九泉嘗聞夷與齊餓死首陽巔  
周粟豈不佳所見良獨偏高蹤遠難繼偶爾無足傳  
千秋史臣筆慎勿稱希賢又書於案曰生既久矣愧  
無補於當時死亦徒然庶無慚於後世遂自經而死

公將死以書抵祠山道士盛希年曰可葬我祠山之麓希年卒收葬之後廣德知州莆田周瑛重修公墓立石爲記

兵部尚書鐵公

公諱鉉河南鄧州人洪武間繇國子生授禮科給事中一云初爲都督府斷事奏對詳明高廟喜之字之曰鼎石嘗有訴藩府違法狀者召至屬法司鞫之數日獄未成高廟怒屬公鞫之片時而成自是益見愛重凡法司有疑獄必以屬公未幾擢山東布政

司參政靖難師起曹國公李景隆奉命出師駐德州  
公督漕運飛芻挽粟水陸並進未嘗乏缺俄軍敗南  
奔公與斷事高公巍相遇於臨邑遂協謀募兵固守  
濟南旣而被圍相持不下城有攻破者輒完之受圍  
旣久乃伏兵門內開門詐降欲誘 文皇入城下閘  
板閉之幾中其計已而出兵戰城下靖難師大敗奔  
還凡三月圍始釋事聞賜金幣封三代入謝陞右布  
政使尋陞兵部尚書佐大將軍歷城侯盛鏞總天下  
兵北伐 文皇繼統以計擒之械至京師責問不屈

而死

刑部尚書侯公

公諱秦

不知何所人

革除間爲刑部尚書靖難師起公主

抗禦之策壬午二月運糧至濟寧諸郡五月復運糧至淮安時京師已告急六月赴京行至高郵被執七月十日就戮

戶部主事巨公

公諱敬山西平涼人革除間爲戶部主事與陳迪等俱被責問不屈而死

監察御史目公

公諱霖安慶懷寧人洪武丁卯領鄉薦爲監察御史  
持正不靡及文皇卽位執迷不從被執求死乃伏  
誅

鄒魏二公

鄒公諱公瑾魏公諱公冕俱江西永豐人鄒爲大理  
寺丞魏爲監察御史靖難師駐金川門有約開門迎  
納者二公率同僚十八人卽殿前殿之幾歿其日  
朝二公大呼曰請速加誅臣等義不與同生不聽次

日宮中自焚走 文廟繼統二公俱自殺

僉都御史景公

公諱清陝西真寧人革除間為僉都御史以剛直聞

文皇入南都清死之

一云 文皇既即位清陽臣服而陰懷後讓之志 文皇夜夢

有紅衣人執刃問不軌者遂驚覺明日視朝令逆搜羣臣清果衣紅而潛拔利刃詰之對曰欲為故主報

讐耳乃用鐵箠制其肉至盡親屬連坐者左衆

給事中陳公

公諱繼之福建莆田人登革除二年進士授戶科給

事中以江南僧道多占腴田蠶食百姓乃奏請僧道



入給五畝餘以賦民從之靖難師起公累有建明累  
肆指斥文廟繼統召公責問不屈而死

吏部尚書張公

公諱統字昭季別號鵷菴陝西富平人父號月川文  
行知名公於識通敏洪武間由明經舉歷雲南布政  
司右叅政進左布政使凡雲南土地貢賦法令條格  
祀神壇祠公署廨宇與夫上下典儀公用程度悉公  
裁定民心孚遠近奠安洪武三十年三月入覲考  
最爲天下第一十一年爲吏部尚書文廟繼統

命公與戶部尚書王鈞俱以半俸致仕公遂自經于部之後堂

監察御史曾公

公諱鳳韶江西廬陵人洪武末年進士革除間爲監察御史嘗侍朝班彈劾無所避忌聞者駭愕靖難師起議遣使致書請罷兵歸國無敢行者公獨請行至軍前不納公取竹通節入書鼓風達之亦不報文廟繼統嘉其直復以御史召不赴尋加侍郎召又不赴乃刺血書憤詞於襟其略曰予生居廬陵忠節之

邦素負骨鯁之強讀書而登進士第仕宦而至繡衣  
郎慨一死之得宜可以含笑於地下而不愧吾天祥  
嘯妻李氏子公望勿易衣遂自殺時年二十九李氏  
亦歿於節

副都御史茅公

公諱大芳秦州人洪武間以儒士應辟典教淮南考  
績入朝高廟召對悅之擢秦府長史且勉以董子  
輔相之業公以特受隆遇懼無以稱益自感激諫諍  
繡綸得大臣體踰年秦國稱治革除間累官副都御

史靖難師起公以詩寄淮南守將梅殷曰幽燕消息  
近如何聞說將軍志不磨縱有火龍翻地軸莫教鐵  
騎渡天河關中事業蕭丞相塞上功名馬伏波老我  
不才無寸補西風一慟一悲歌聞者壯之  
文廟繼  
統不屈而歿

刑部侍郎胡公

公諱子韶字仲常一字伯尚舊名志高方孝孺之教  
授漢中也公從之遊後以儒士薦至京師  
高廟重  
之革除間爲史官歷山東按察僉事遷刑部侍郎士

年九月十一日受戮

四川嘉定州榮縣人

戶科給事中黃公

公諱鉞字叔揚蘇州常熟人洪武初以太學生授典史後登輩除庚辰進士遷戶科給事中以憂家居壬午歲自投琴川橋下死

兵科給事中韓公

公諱永陝西西安人

一云山西人

華除中爲兵科給事

中

一云戶科

與陳迪巨敬戴德彝等俱被責問不屈而死

監察御史王公

公諱度字子中惠州歸善人由明經儒士授山東道  
監察御史有直聲嘗監革除二年會試壬午七月以  
姦黨發賀縣千戶所充軍後出不遜語坐族誅

監察御史高公

公諱翔陝西朝邑人有文學洪武中以明經薦授監  
察御史所論奏皆關國家机事 文廟素聞公名及  
繼統召公將用之公喪服入見語又忤 旨乃坐族  
誅

翰林修撰王公

公諱良字敬止江西吉水人庚辰進士

初取狀元將傳謚以貌不

及胡廣乃以廣易之公次焉遂遵洪武乙丑事例首甲三人皆授翰林修撰

間靖難師起

憂但不食日就羸憊以辛巳九月卒革除君問之遺

禮部侍郎黃觀諭祭于家

吉安志云文廟集統看臣多往迎計公慟哭與妻

子訣是夜服腦子死非實

### 散騎舍人廖八

公諱鏞無爲州巢縣人德慶侯權之子革除間以元

勳後任散騎舍人見用癸未四月十日就戮

母湯氏東臨王

長女也入浣衣局

弟銘鉞俱統軍

浙江按察使王八

公諱良宇天性河南開封人居常以忠孝自許建文  
辛巳坐事以刑部侍郎左遷浙江按察使謁岳飛墓  
誓曰苟愧武穆非人也壬午六月聞難慟哭誓必死  
會命使召公公集本司及各道印于私第嗟歎者  
久之妻問故公曰我分應死顧思所以處汝未決耳  
妻曰我則不難處君爲男子乃爲婦人謀乎遂投池  
水而死公卽列薪于戶命妾抱幼子往某僉事家以  
宗祀爲託遂闔室自焚事聞上曰死自其分燬印



可罪耳徙其家于邊

江西按察副使程公

公諱本立字原道別號吳隱族出伊川遠祖杞自開  
封徙杭曾祖鵬自杭徙秀州崇德父德剛生公於鳳  
鳴里公少有大志聞金華朱彥修兄弟得考亭之學  
於許文懿公乃往就學造詣日深洪武丙辰舉明經  
秀才擢泰府引禮舍人召見奉天門下賜馬  
正楮幣在任五月以母艱去庚申服除補周府禮  
官從王之國大梁丁卯春從王朝京師被累謫

雲南馬龍他郎甸長官司吏目雷家大梁以一僕之  
任所部百 叛逆公單騎深入爲書諭以禍福諸夷  
感悅邊事以息時西南當王師初靖餘孽尚驕長官  
不能戢遂屢生變公因創爲賑濟安撫之計身歷艱  
險自楚雄姚安以逮大理鶴慶麗江永昌咸賴其撫  
綏由是軍民得安戊寅奏計京師府尹向瑤學士董  
倫交章薦其文行乃徵入翰林纂修 高廟實錄陞  
左僉都御史辛巳歲以失誤陪祀調除仍留翰林纂  
修明年實錄完調江西按察副使未及行適靖難兵

渡江公有所見而遂自盡實壬午六月十三日也官  
因追其恩典家無遺貲時稱爲清御史所著有異隱  
集四卷藏于家

徽州府知府陳公

公諱彥回福建莆田人父諱立誠洪武間歷仕州縣  
以罪被誅家屬發戍雲南之臨安多道卒比至蜀惟  
公與祖母郭氏存旣而遇赦無資以還乃依定遠  
知縣鄉人黃積良以居遂從其姓更名禮求幾積良  
亦謫去公轉依南充縣丞于中和其後閩中教諭嚴

德政以明經薦公爲保寧府學訓導九載考績高廟親擢爲平江知縣明年高廟晏駕公捧香入臨給事中楊惟中等薦陞知徽州府明年朝覲考覈稱職賞賚甚厚其年冬丁郭氏憂徽民詣闕奏留未報革除已卯春公乃疏其改姓歷官情罪乞正名籍乃罷爲民尋命復官留治郡事公復上疏乞終制得許歸葬葬畢卽回郡供職明年復蒞徽州會靖難師起公募義勇赴援文廟繼統械至京師不屈而死

寧府左長史石公

公諱撰山西平定州人洪武中爲寧府左長史太  
宗靖內難諸郡縣皆下撰在大寧獨爲守備上怒  
攻拔之得撰不爲屈遂支解而死

遼府左長史程公

公諱通字彥亨績溪人祖平素業儒洪武初謫戍延  
安有同謫而旅死者平遣予以誠負遺骨歸其家其  
家以貧故不納又買地葬之公少有至性動必遵禮  
以縣學生貢入太學聞父喪徒步歸葬廬墓下三年  
哀慟毀瘠妻子至不相識時平已老公上書言臣壯

而無父祖猶父也臣祖老而無子孫猶子也更相爲  
命願代其役辭極懇切上歎曰孝哉若人命兵部  
除其籍驛送平還鄉後舉應天府鄉試授遼王府紀  
善以祖喪免歸復廬墓三年服闋進左長史從王  
之國靖難師起朝廷遣人告急通草上封事數千言  
進之文皇入繼大統知公有封事詔械詣京師死  
之家人戍邊錄其家得田數十畝遺書數十百卷而  
已公初讀書卽勵志聖賢之學故所立如此

衡府紀善周公

公諱以德字是修以字行江西泰和人洪武間爲霍丘訓導入見 高廟問曰汝年幾何對曰年四十四又問曰家居何事曰導人爲善而已 高廟喜擢周府奉祠正華除初年有訴王府不法者官屬皆下吏公以嘗諫得免改衡府紀善任編纂於翰林靖難師起公數論國家大計及指斥用事者誤國用事者怒共挫折之公不爲動師入金川門公畱書別友人江仲隆解縉紳胡光大蕭用道楊士奇且付後事暮入應天府學自經歿越數月御史言公不順天命請加

追戮 文廟曰彼食其祿自盡其心耳置不問公平  
生負氣節嘗曰忠臣不以得失爲憂故其言無不直  
貞女不以死生爲慮故其行無不果卒能償其志云

沛縣知縣顏公

公諱瓌字伯瑋江西廬陵人唐魯公真卿之後以賢  
良徵授徐州沛縣知縣未幾靖難師起所過郡縣皆  
歸附公獨以死自誓時曹國公出師駐德州公督民  
給軍餉措畫有方未嘗闕乏辛巳六月靖難師直擣  
濟寧過沛沛民竄匿公招來之九月設沛豐軍民指



揮司集民壯五千人築堡備禦壬午正月靖難師駐  
沙河二十二日攻沛公遣縣丞胡先詣徐州告急旣  
而度不能支預送其子有爲出危告之曰汝還家白  
大人子職弗克盡矣題察院壁曰太守諸公監此情  
只因國難未能平丹心不改人臣節青史誰書縣尹  
名一木豈能支大厦三軍空擬築長城吾徒雖死終  
無憾望采民艱達 聖明交二鼓師入東門指揮王  
顯迎降公冠帶升堂南拜大哭曰臣無以報國矣乃  
自經歿其子不忍去復還公已死矣遂自刎以從俄

擒主簿唐子清典史黃謙至亦歿之縣丞胡先收公  
父子屍葬沛南關題曰顏公墓

前斷事高公

公諱魏字不危山西遼州人洪武十五年應貢入太  
學十七年以孝行被旌表尋授前軍都督府試左斷  
事十八年上疏欲墾河南山東北平兵後荒田及抑  
末役慎選舉惜名器數事高廟深嘉納之後因斷  
事不稱旨當罪以議賢謫戍貴州關索嶺仍許以  
姪代役革除初年上疏陳情乞歸田里許之既而遼

守王欽辟送赴銓曹靖難師起公建議乞效主父偃  
下推恩之令分封藩王子弟以少其力遂命公從曹  
國公李景隆出師參贊軍務公累上書 文廟請罷  
兵歸國不報俄而戰敗隨景隆南奔遇督餉叅政鐵  
鉉於臨邑遂與協謀固守濟南頗著勞績後從征晉  
陽雁門等處旣而聞京城已定乃縊死驛舍

北平左布政使張公

公諱崑山西澤州人 國初舉人材革除間爲禮部  
侍郎時欲削弱諸藩凡王封所在悉更置守臣以素

負重望者居之乃以公爲北平左布政使公察文廟必起兵遂與都指揮謝貴以在城七衛及屯田軍士列九門防守掾吏李友直泄其謀會朝廷遣內官逮護衛官屬文皇召公及貴入府執之皆不屈而死已卯七月六日也及繼續族誅其家後上屢夢公等被髮爲厲命出其屍焚而棄之面猶如生

濟陽教諭正公

公諱省字子職江西吉水人洪武壬子領鄉薦明年詔免會試命吏部次第擢用之公以親老乞歸養復

以文學應徵 高廟親試稱旨例當殊擢公以才薄  
力弱親老乞便遂授浮梁教諭尋丁外艱起改睢陽  
八年改濟陽靖難師至濟陽公爲遊軍所獲從容引  
臂辭義慷慨衆舍之公乃陞明倫堂召諸生謂曰若  
等知此堂何以名明倫今日且都不說只說君臣之  
義一節如何遂大哭諸生亦哭遂以頭觸堂柱而死  
後有司立祠學宮祀之其子禎爲夔州通判亦死于  
賊

蘇州府知府姚公

公諱善字克一湖廣安陸州人初姓李後復今姓志  
行純實學識高遠工詩洪武中山鄉舉歷祁門丞同  
知廬州重慶所至有能聲三十年擢知蘇州治爲列  
郡最隱士王賓獨居陋巷公往候見舍車騎詣門賓  
問爲誰應曰姚善乃開門延語及賓報謁面府門再  
拜而去公自邀還賓辭曰非公事不敢入也又將候  
韓奕奕避入太湖公歎曰韓先生可謂名可得聞面  
不可而見也已卯靖難師起公畫策勤王與有勞焉  
壬午京師平時黃子澄朝廷索之急避於公所約與

航海公曰在公則可在善則不可善守上之臣當與  
城存亡子澄去善竟伏節而死或記云當時燕師日  
進建文召與方孝孺  
用漢破七國之策貶齊黃干外善言干朝曰有文武  
才畧可以扶顛濟危者反置之散地不用今事狼狽  
須急召之詢其姓名不對再三詢之則曰於今人才  
豈有過於黃太卿哉遂復召二人不至則是善善在  
朝也然其詳不可考矣

燕府長史葛公

公諱誠不知其所以進靖難師未起時 文皇嘗病  
中暑布政使張昺偕三司官入問疾見 文皇四圍  
皆着火爐猶自呼寒皆懼危篤獨誠密語云非病也

不得于上故耳因令人上變會 文皇遣人至京奏  
事齊泰等言于建文君執之既成獄卽發符逮王府  
官屬後謀不果見殺族其家

教授俞公

公諱逢辰南陽鎮平人兵起時以泣諫被戮

陝西按察僉事林公

公諱嘉猷本名鼎以字行浙江寧海人洪武中以儒  
士校文四川後入史館累遷陝西僉事嘗得 燕邸  
密事以告方孝孺壬午九月丁亥破戮

時遺錦衣千  
戶張女齋書



許世千襲  
封公諡也

寧波知府王公

公諱璉字器之莒州日照人學通經史長於春秋初  
任教授謫遠方洪武末以賢能薦授寧波知府清儉  
律已平易近民杜私謁革吏弊政教兼舉而自奉儉  
約一日見饌有魚肉大怒命撤而燔之號埋羹太守  
惟痛繩武人之不法者以故軍衛野之靖難兵迫方  
造船航海勤王爲軍衛縛送京師文皇問造舟何  
爲對曰山海趨瓜州以截來路耳上義而釋之得

備遺錄

八

二六

選田里

蕭縣知縣鄭公

公諱恕台州仙居人由訓導遷蕭縣知縣靖難師至竭力拒守被擒而死時年五十六二女當給配亦死之子濂浞皆從坐

東平州判官鄭公

公諱華台州臨海人洪武丙子貢士授行人革除間謫東平州判官將赴任聞靖難師至以妻子託其友人馳至東平力疾戰死

岳池縣教諭程公

公諱濟陝西朝邑人洪武間以明經爲四川岳池縣儒學教諭公有法術岳池去朝邑數千里寢食俱在朝邑而日治岳池學事不廢革除間上書言某月某日西北方兵起朝廷以爲非所宜言繫至京召人將殺之公扣頭曰陛下幸因臣期而無兵臣死未晚也遂繫公獄已而兵果起乃救出公更以爲軍師護諸將北伐與靖難兵先鋒戰于徐州大捷會曹國公師退文皇至江上公逃去不知所終初徐州捷時諸

將樹碑載戰功及統軍者姓名公忽夜往祭碑人莫測其故後文皇過徐州望見碑問知之大怒趣左右碎碑方一再椎命止勿擊錄其碑文遂按碑族誅諸將無得脫者公姓名正在擊處遂免往日之祭蓋禳之也

北平都指揮使謝公

公諱貴革除間議削諸藩文皇稱疾齊秦謀以備二爲名以貴爲北平都指揮使與張昂潛通王府官屬覘察動靜貴等謀欲先發同官張信與布政司吏

李友直入王府告變遂與昺同召入端禮門伏發就擒而死

叅將宋公

公諱忠華除間朝議欲削燕邸命公爲叅將以備虜爲名練兵北方守懷來靖難師至公帥兵拒敵將士多北平人對陣時見其父兄弟皆無關志遂大潰公被執而死

都指揮馬公

公諱宣奉命守薊州靖難兵起朱能張玉來戰公與

鎮撫曾濬等閉城堅守王等反覆諭之不下遂擁衆  
急攻宣率兵出拒王遣精銳衝敗之遂與濬皆被執  
而處事聞革除君褒卹之

都指揮朱公

公諱鑑提兵守大寧靖難師至拒戰而死事聞革除

君閔之卹典加厚

相傳鑑與馬宣之死皆畧無異辭  
云當時用兵累年武臣死事者甚

衆不能  
悉紀

魏國公徐公

公諱輝祖中山王達之子襲封魏國公高廟崩諸

王世子及郡王多在京遣命三年喪畢遣還時仁  
廟漢庶人趙王皆隨遣詔至北平文皇有疾遣人  
扶掖哭臨語莫能辨如是數月乃乞仁廟及漢趙  
視疾朝廷以遺詔不許旣而屢請益哀懇建文君將  
許之輝祖不可乃止明年文皇疾愈入朝復申前  
請建文不忍違召輝祖及弟都督增壽議增壽獨以  
百口保無他虞於是仁廟及漢趙遂得還國蓋  
文皇后中山王女也故朝廷謀必及之靖難師將起  
輝祖復與齊黃陰謀加兵于燕及文皇卽位齊黃

輩皆死獨輝祖以中山王子赦不誅革爵閒住尋繫  
獄而卒永樂五年八月朔日奉 聖旨比先徐輝祖  
與黃子澄齊泰盧振張昺葛誠等通同謀危社稷以  
後事發黃子澄等伏誅徐輝祖是中山王男因念中  
山王比先平定天下有大功於國家以此不曾罪他  
只著在閒今病故了中山王的功不可忘如今着他  
嫡長男還襲中山王原封魏國公爵中山王沒後的  
祿米戶部查了都還他

已上五十五人



黃公彥清

不知何  
所人

革除間巡撫某地

文皇卽位頒

詔至不受

命謀欲起兵其下皆已歸附力寡而死

劉公諱政字仲理蘇州人父以禮洪武中薦授沛縣

教諭公聰敏好學平生以忠義自許革除已卯中應

天鄉試第一

不知曾  
授某官

壬午歲不食而死

彭公諱二北平都指揮已卯七月與張昂謝貴同死

盧公諱原質浙江寧海人洪武戊辰進士第二歷翰林

編修陞太常寺少卿

葉公諱惠仲浙江寧海人嘗以知縣充修史官爲庚

辰會試考官後陞知府

牛公諱景先

不知何所人

禦靖難師京城平逃難出走而

死

周公諱璿青州諸城人曾與抗禦靖難師壬午內難

牛戮死

不知爲某官

謝公諱昇

不知何所人

曾犯靖難之師壬午歲伏誅父

子咬兒俱發金齒衛充軍

郭公諱任鎮江丹徒人戶部侍郎

一云定遠人

盧公諱迴台州仙居人戶部侍郎

毛公諱泰吏部侍郎

黃公諱魁禮部侍郎

暴公諱昭刑部侍郎

董公諱庸監察御史

盧公諱振

已上一十五人事迹未詳

附錄

永樂二十二年 仁宗即位 御制付禮部尚

書呂震曰建文中姦臣其正犯已悉受顯戮宗

屬初發教坊司錦衣衛浣衣局并習匠及功臣

家為奴今有存者既經大赦可宥為民給還田

明輔起家考

宣興徐儀世

洪武九人先置中書省十五年始置殿閣 胡惟庸

以上俱中書省

李善長

徐達 俱超運動佐

汪廣洋 令史

胡惟庸 寧國縣知縣

吳沉 待制

吳伯宗 禮部員外 名

宋訥 助教

劉仲質 宜春縣訓導

朱善 豐城縣訓導

按十五年徵者儒鮑恂全思誠余詮張紳張長年  
詰闕俱命授文華殿大學士固辭 僅列銜未入  
閣故不載

永樂七人

解縉 中書庶吉士

黃淮 中書

胡廣 修撰

楊榮 編修

楊士奇

吳府審理  
寓以字行

名

金幼孜

給事中  
以字行

名善

胡儼

華亭縣教諭  
科

鄉

洪熙五人

楊榮 見前

黃淮 見前

楊士奇 見前

金幼孜 見前

權謹 樂安縣知縣

宣德五人

楊榮 見前

金幼孜 見前

楊溥 編修

張瑄 寧州訓導

陳山 奉化縣教諭 鄉

正統八人

楊榮 見前

楊溥 見前

明輔起家考人

陳循 修撰

曹鼐 修撰

馬愉 修撰

苗衷 編修

高穀 庚吉士

張益 庚吉士

景泰九人

陳循 見前

高穀 見前

彭時 修撰

商輅 修撰

俞綱 郎府審理

江淵 編修

王一寧 史部主事

蕭鎡 總修

王文 御史

天順八人

彭時 見前

徐有貞 廣吉士

許彬 廣吉士

薛瑄 御史

李賢 吏部主事

呂原 編修

岳正 編修

陳文 編修

成化十人

彭時 見前

李賢 見前

陳文 見前

商輅 見前

萬安 廣吉士

劉定之 編修



明縣志卷之八

劉翊 庶吉士

劉吉 庶吉士

彭華 庶吉士

尹直 庶吉士

弘治六人

劉吉 見前

徐溥 編修

劉健 庶吉士

丘濬 庶吉士

李東陽 庶吉士

謝遷 修撰

正德十四人

李東陽 見前

謝遷 見前

蕉芳 庶吉士

王鏊 編修

楊廷和

庶吉士

劉宇

上海縣志

曹元

工部主事

劉忠

庶吉士

梁儲

庶吉士

費弘

修撰

靳貴

編修

楊一清

中書

蔣冕

庶吉士

毛紀

庶吉士

嘉靖二十七人

楊廷和

見前

費弘

見前

蔣冕

見前

毛紀

見前

楊一清

見前

謝遷

見前

家宗阜興府長史弘治庚戌進士石瑤廣吉士

賈詠廣吉士翟鑾廣吉士

張孚敬南刑部主事原名應杜萼丹徒縣知縣

方獻夫廣吉士李時廣吉士

夏言行人顧問臣修撰

嚴嵩廣吉士許讚大名府推官

張壁廣吉士張治廣吉士

李本廣吉士徐階編修

袁煒編修嚴訥廣吉士

李春芳 修撰

郭朴 編修

高拱 庶吉士

隆慶八人

徐階 見前

李春芳 見前

高拱 見前

陳以勤 庶吉士

張居正 庶吉士

趙貞吉 庶吉士

殷士儋 庶吉士

高儀 庶吉士

萬曆二十人

張居正 見前

呂調陽 編修

明南走家孝子

五

馬自強 庶吉士

張四維 庶吉士

余有丁 編修

申時行 修撰

王錫爵 編修

許國 庶吉士

王家屏 庶吉士

陳于陞 庶吉士

趙志皋 編修

張位 庶吉士

沈一貫 庶吉士

朱曆 庶吉士

沈鯉 庶吉士

于慎行 庶吉士

李廷機 編修

蔡向高 庶吉士

吳道南 編修

方從哲 庶吉士

以上共一百八人 勲佐一人 詞林七十九

人 內一甲三十人 二甲超受編修二人

庶吉士四十六人 待制一人 京職十四人

內吏部主事二人 禮部員外一人 工部

主事一人 南刑部主事一人 給事中一人

御史二人 中書二人 中書庶吉士一人

行人一人 國子監助教一人 令史一人

外職十三人 內長史一人 審理二人

推官一人 知縣四人 教諭二人 訓導三

明輯起家考不

人

掾曹名臣錄序

孔子曰性相近也習相遠也愚謂自聖賢以至於凡  
庶其德遠矣自割股以至勃礮其行遠矣自讓國以  
至攫金其事遠矣由初而言善惡之間不能以髮而  
其終之遠乃如是焉獨不爲習所移爾習之移人雖  
豪傑之士有不能免者而況於中材乎此爲人上所  
以有教也正德癸酉予承乏南京戶部侍郎抵任未  
幾大司徒胡公卽有乞身之請累月在告予驟攝印  
章而治財賦陰觀諸司掾吏有知琴書可教誨者因  
掾曹名臣錄八



錄我朝名士出於掾曹至顯宦者數人爲一卷以示皆有勃然興起之色乃知人性果不相遠一脫故習至君子不難矣有教無類不其然乎昔元好問曰自風俗之壞上之人以徒隸遇佐史其者先以機詐待之廉耻之節廢苟且之心生頑鈍之習戒實坐于此而佐史亦以徒隸自居身辱而不辭名敗而不悔甚矣人之不自重也吁遇之以徒隸待之以機詐我固不可以不自省若自暴自棄而不自重爾曹豈可以不戒乎所錄自劉侍郎敏而下凡十三人續有

馬則載于後正德九年歲在甲戌夏六月望日王凝  
齋序

掾曹名臣錄

明 王凝齋

劉敏

河間府肅寧縣人爲中書吏時暮以小車出入江市  
蘆葦旦載於家而後入錄事妻以蘆織席嚮以奉母  
人或矚于以絹帛瓦器遺其家者敏懸于梁俟其復  
來竟還之爲楚相府錄事值中書以沒官婦女給文  
臣家衆咸勸其請給以事母敏固辭曰事母乃子婦  
事何預他人及權奸事敗敏獨無所與人稱其有行

識洪武十三年由工部侍郎轉刑部侍郎其誥曰於戲昔聖人以德化天下故民樂于從善而天下治然聖人之心必欲天下之人皆善無惡有不率者然後用刑以齊之故賞當其功罰當其罪而民之不從善者無有也故上曰君聖中曰臣賢下曰民良而天地致和品物咸亨矣後世之君臣乏誠意正心之學篋成已及物之善是以刑罪不當仁義倒施法愈繁而犯愈衆此爲世之大病也久矣求君之聖臣之賢民之良者幾希故善治國者必擇人治刑否則法由此

而始期於無刑之地焉可得哉今以爾敏爲刑部侍郎特授通議大夫爾尚敬慎之哉

李友直

字居正保定清苑人也爲北平布政司掾史 太宗皇帝初奉藩北京建文中廷臣有因齊藩不法遂建議凡藩國所在更置守臣於是擢張昂爲北平布政使昂至日求王府細事將爲不利友直密聞於 太宗義師既舉遂擢用友直友直質樸直亮知無不言甚見嘉獎日益信任出理餉運入嚴城守率以命之

殫力竭慮事率早集而咸稱上旨初授北平布政司  
右叅議既建北京改布政司爲行部陞左侍郎時初  
作宮殿營繕務殷專經度提督躬任勞動早暮弗懈  
改行在工部侍郎 仁宗皇帝臨御嘉念舊勞陞刑  
部尚書奉 命代祀周文武成康陵及秦愍王旣還  
言關中民瘼深見嘉納 賜誥命并追贈祖考妣請  
告焚黃遂立碑於墓以條 上恩昭先德 宣宗皇  
帝嗣位改行在工部尚書嘗奉 命董採殿材於蜀  
設施有方綏撫有誠勞者不怨自是 朝廷凡有典

作重役悉以委之其臨事有條理而體恤下情所行  
悉公是以人從事集誦誥不興而屢承勞錫焉爲人  
坦夷聞敏雖不與物競而持已正直亦不屈於物有  
恤人之心施濟弗悞與人言必歸於忠厚有之官往  
蒞者必勉以愛民之政與人交惻欵緩急率得其力  
度量有容屬司之舍詭者以友直長者數欺慢之友  
直雖知弗校清議以是益重之其卒也 上賜祭命  
工部營葬禮部賜祭公卿以下皆往祭之

徐晞

字孟瞻常州江陰人永樂中山縣功曹授繕工司都  
事歷工部郎中試兵部右侍郎奉命簡閱陝西臨  
洮諸衛軍士尋以人見其伯寇西陲佐寧陽侯  
陳懋鎮甘肅正統初召還實授右侍郎復往鎮涼州  
莊浪諸要害地遷南京戶部左侍郎會征麓川瞻往  
督餽餉凱還以功陞兵部尚書卒瞻謙德有容處事  
惟慎士論以此多之子訥舉賢良終尚寶司丞訥子  
世英以薦授中書舍人累官南京通政司左通政

楊時習



江西人永樂二十二年 仁廟初卽位大理卿虞謙  
奏事侍臣有言此當榻前密請 旨不當於朝班對  
衆敷奏爲賣恩者又有言其屬官楊時習先導之密  
陳而謙不從者遂降謙爲大理寺少卿而陞時習爲  
卿其後大學士楊士奇獨進奏事畢未退 上問士  
奇曰汝有欲言者乎 奇曰有非虞謙乎對曰然 上  
曰吾亦頗悔之汝試言之對曰外間皆云時習實無  
先導之言時習是臣江西人亦親語臣本無此言今  
冒居卿位慙懼不安士奇又言謙歷事 三朝皆居

通顯頗爲得大臣體者且今所犯小過 上曰吾之  
悔亦念此因問時習其人若何對曰雖起於吏然明  
習法律公正廉潔 上喜曰吾有以處之會以吏部  
言交趾闕按察使 上乃復虞謙大理卿取時習交  
趾憲使

况鍾

字伯樂靖安人中書吏事呂尚書震震薦其才授禮  
部主事陞郎中蘇郡由永樂以來長吏治狀鮮著  
朝廷屢遣吏督責無効宣德初以雄劇十郡缺官薦

擇良牧尚書胡忠安公等遂舉鍾典蘇郡復奏賜  
勅以便行事乘傳赴郡鍾已凋灼郡弊及任吏胥抱  
案牘請署以嘗鍾鍾默默若無能爲既三日吏復請  
署鍾曰若謂吾不事事耶歷舉三日牒無一遺誤指  
摘其間某爲故出人及隱竄顛倒者喝令取一二輩  
卽庭下撲殺之僚屬震慄鍾固并舉僚屬貪虐懦者  
立黜之搜逐胥屬主文積竄置通閹勘合以防詐僞  
衛卒久暴橫痛加繩禁郡體始尊嚴勢家侈恣不法  
鄉里武斷咸取杖殺之而扶患單弱置善惡二簿察

民善惡者籍其名旣施行則著列以示勸懲婚喪不  
時者召諭反覆而峻其校督刑罰民畏而感無不從  
令鍾旣達而果又素忠直簡在 上心故凡所論列  
悉 賜施行郡田有官民之別官田稅額特重擬奏  
求減焚香自祝或動以禍福不顧疏上卒得如所請  
凡奏減省重額正副錢糧七十二萬一千有奇募民  
開墾荒田起科以免逾年包荒之糧至一十四萬九  
千五百有奇停徵泮沒田糧二十九萬五千免舊欠  
糧草鈔數百萬錠罷平江伯董漕歲取民船五百艘

買免船米十五萬一千一百石疏免 詔買減闕白  
三梭布七百疋銀數千兩奏革倭船徵需無度請濬  
淪水道淤塞辨明平民誣入軍者千八百餘家招復  
逃亡三萬六千七百戶凡所罷行皆綱紀大務民到  
於今受其賜尤重於事神社稷山川龍母泰伯伍員  
范仲淹諸祠宇皆拓而新之享獻誠懇雨暘祈禱輒  
響應興崇學校敬養才哲薦拔孤寒有起家爲近侍  
者剛敏敢爲不恤權要度量廓如 朝廷累有褒勞  
述職陛辭 上爲賜宴賜詩恩寵甚至而以蘇人仰

藉倚以守御不遷其官鍾亦無倦丁內艱去任民上  
請乞還鍾治復除仍舊任正統五年九載滿去闔  
郡之民上章乞留往叩闕者八萬餘人遂再遣任若  
赤子得慈母無疾卒於位民益哀之

平思忠

吳江人初爲縣吏永樂中被薦授禮部主客司主事  
進郎中時文皇帝方事招懷主客務方殷思忠有  
精力事皆立辦尚書呂震特器之俄以事下獄北  
入貢他任主客者多不稱旨震因以思忠爲言卽

日敬復其官時以給事楊弘爲陝西布政欲使清強  
有力者伺察之遂拜思忠陝西叅政未幾爲人所誣  
謫戍北邊會有詔市馬西域以思忠嘗官主客多  
識賈直詔釋其戍給冠帶隨太監劉馬兒使蕃  
諸國而還後卒於家初郡守况鍾官主客與思忠有  
交承之分至是數延見思忠執禮甚恭且令二子給  
侍曰非無僕隸欲使兒輩知公爲吾故人爾其見敬  
如此然思忠居貧自守未嘗以事干鍾人尤多之

字宗器福州侯官人也總角穎悟脩潔寡言其父嘗  
曰兒也不凡吾家闕久宜揚其在茲乎洪武中郡籍  
博士弟子衆推胡生不置父喜曰兒不凡固宜以學  
顯卽資遣之胡旣游庠序喜友其才雋相與頡頏不  
合尋屬予寧歸遂不復起時憲府謀辟從事諸從史  
相與言如胡某不宜掾耶得胡掾者宜增重爭羅致  
焉焉之在憲署也志弗爲貶益樹奇操人不敢干以  
私嘗從孫僉憲分司于泉孫寬惡而貪黷莫敢與計  
事前後從史不相能者反爲所中焉撻其奸利翫



數事飛章劾之孫竟得罪諸長佐每視鼎時貽曰斯  
史習藏陽秋吾可弗自檢哉由憲府三最內選叙用  
曹掾無慮數十人昂爲主掾掌牋奏以贊曹務識典  
故以決羣疑咸服其能會尚膳監選清慎史遂得官  
七品階從仕郎昂晨入暮出進止有常所旣執禮度  
而儀觀清偉 青宮嘗遙見之間郎選何曹左右曰  
此光祿胡署丞也目送咨羨久之性謹密內有事未  
嘗言於外或問之直曰所職上用有司存焉他吾不  
知也退直無事焚香振書衣冠兀坐神情條然如在

物表賓客非故知莫與往來者蓋在兩京獨處者十餘年而人見之常如一日焉

王堂

字維政紹興諸暨於也元良吏淮東道宣尉副使王良之孫七歲能賦詩長老皆奇之進從學鄉先生唐處敬讀書日記千言終身不忘方肆力於古文雖值元季兵亂未嘗輟也 國家平定之初堂之父以元故官謫濠梁堂侍行躬勤孝養後奉父還鄉辛苦闢草萊治田廬有 詔發兵民築緣海城邑大夫推舉

堂率民就役撫馭規畫悉有條理民不困而事先集  
他之率兵民者多効法焉有司以賢良舉送堂至京  
師奉命使蜀還奏稱 旨得疾歸既瘡時太康王師  
曾爲浙江布政使表然一時方岳之望其所用簿書  
史必慎簡賢良知名之士遂采輿論舉堂爲掾凡所  
言與行皆愜王公之意被檄督賦嘉興有推官不職  
不爲堂所禮銜之推官後坐賄徵下京獄造誣詞連  
堂逮至誣竟直未出京以病卒洪武二十四年十二  
月二十九日也洪熙元年以子珪貴贈翰林院脩撰

維政自少負邁往之志操執剛正議論高明素欲有  
所見於世不遂大施以卒其鄉之長老知堂深而尚  
存者往往與少者道堂之才之行而未及展施以爲  
悼惜云

曾仍

宇弘宗號訥菴曾氏故莆大姓世居望江里沂山東  
津之鄆濱父尚和工書能詩該綜希夷鬼谷子風候  
星占算曆之學數具棺施宗黨之貧者大有義聲母  
鄭氏仍六歲失怙日夜呱呱髫髻知孝比長禮度循

習辭辟唯諾無子弟之過舉進士彌勤術者曰非以  
利子也易他圖之遂應辟爲藩臬從事矢心在公持  
法惟謹大方伯廉訪而下咸器愛之旣事得冠帶待  
次銓曹時知府林慈知縣張朝教諭黃暹相繼客死  
於京仍悉爲之棺殯經紀舍劇而不愆於禮教諭病  
且革囊白金三十二兩置仍袖中曰僕輩非所託其  
幸藏諸時無復與聞者仍以虞患不他告久之完全  
授鄉人歸其子曰此屬纊時寄也物論高之鄉翰林  
院學士林澹菴先生聞之嘉其誼語同列曰掾之行

顧爾吾儒庸有弗及者乎遂相與定交及爲仍贊小  
像極深褒獎方之善人成化戊子拜浙之小鹿巡檢  
屬歲饑民多亡匿爲盜仍安輯勞來伺其長而尤者  
還致之發摘如神盜用遁去境賴以不擾越三歲忽  
悵悵不樂曰吾少有大志謂功名可裂契取竟爲術  
者所誤班白是官紅腐五斗吾何屑焉遂致政而歸  
問田園就松菊月夕花朝則炙海鮮溫家釀葛巾野  
服與一二耆舊徜徉於名山勝水間若忘其身之旣  
老者鄉閭高之翰林學士林文贊曰貌清而癯體安

而舒衣冠儼若佩玉銷如肅乎其容止翼乎其進趨  
年富而力強智融而器疏不爲外物所誘不以常流  
自居言必貴乎踐履行必慎乎斯須祿惟安乎淡泊  
囊不計其空虛心雖善於會計志則勤乎詩書噫其  
若人歟惜乎所用者未盡其心之所儲若其磨民社  
之寄必能廣敷仁民之政而爲古循吏之徒也耶戶  
部尚書張睿贊曰貌不華而質其蓄於內者智識之  
通融言不肆而訥其檢於身者葵則之脩從志不俗  
而閑其所向慕而勉者古長者之風仕不通而晦其

願厥職者無貽庇於厥躬噫若人也者石其外玉其  
中其所積者崇其所洩未艾而鍾其慶於無窮也耶  
翰林庶吉士陳音贊曰貌癯而不偉行蹈古人遺踪  
言訥而不肆心存長者之餘風服質而不侈里閭皆  
慕其信義之崇位卑而不耀雲仍乃受其餘慶之鍾  
彼丹青者徒模其外而不能狀其中也耶卽數公之  
言觀之可以見其爲人矣

劉本道

常州江陰人少嗜學有才畧能詩由掾史見知於靖



遠伯王驥引置幕下奏授刑部照磨從征雲南於凡  
戰克攻守之策多恣訪之正統戊辰間賊猖熾寧陽  
侯陳懋往討之尚書金濂實綜理軍務以本道識達  
請以自隨軍中事宜悉以委之本道盡心戮力活脅  
從者萬餘人放還婦女八百餘口凱旋陞戶部員外  
郎景泰庚午西北二邊境民不能生本道奏請給  
價買牛二千頭并易穀種與之乙亥貴州邊倉糧侵  
盜事覺展轉連坐推本道往治本道至彼不逾月而  
積歲之弊洞徹無遺且立法以爲治規時年被苗賊

作亂本道遺書總兵官李貴貴如計討平之奏上其  
功本道曰吾職在糧儲用兵乃分外事也固止之竣  
事還 上嘉其廉能賜五白雲絲段天順丁丑進戶  
部右侍郎總督京畿反通州淮安糧儲先是漕運京  
糧惟通州倉臨河近便自通州抵京倉陸運四十餘  
里費殷而增耗示給各處赴京操軍久役而用桶匱  
乏本道慮二者之病奏將通州倉糧於各月無事之  
時令歇操軍旋運至京每三十石給賞官銀一兩而  
漕運之糧止於通州交納就彼增置倉廩三百間以

便收貯歲積羨餘米五十餘萬石以廣京儲 上復  
賜二品服以寵異之祖克問父得成皆追贈如其官

王愷

字用和太平當塗人幼有大志沉酣六經諸史間必  
欲見之於用起應公府之辟爲府史疏讞獄訟人服  
其平歲乙未 上取江南兵臨當塗卽召至幕府  
上方爲元帥命爲掾以叅決戎事丙申春從王師下  
建業又下京口民新附枕陲不安愷撫慰之始定

上爲中書平章政事建江南行中書省於建業陞左

右司都事愷遇事善於彌綸日以薦賢爲先元戎宿將咸器倚之惟愷言是信戊戌秋苗獠兵數萬自杭來降待命嚴陵境上上遣馳入其軍喻以禍福偕其渠帥來朝是年冬上將征浙東時婺之蘭溪已下僉樞密院事胡大海戍之上命愷與大海定議取婺州親率師圍其城守將出降愷審察民情而冀綏之歷言上前無有不聽者己亥春王師攻越久不下夏六月師還上畱大海鎮婺而民賦軍器之務悉以屬愷冬上師克三衢擢左司郎中總制衢州

軍民事體增城浚濠置游擊軍募保甲翼餘丁及舊  
民兵得六百人以益戍守兵食不足則斥並城廢田  
五萬七千畝使之耕以自給民有田力弗能藝者聽  
軍士貸耕而爲輸糧縣官籍江山常山龍游西安四  
縣丁壯凡六丁之中簡一以爲兵置甲首都長統之  
丁壯八萬有奇得兵一萬一千八百無事則爲農脫  
有警則兵者出攻而五丁資其食閑乎忠武王屯兵  
金華其部將或來侵民愷偵知之擒而捷諸市王使  
人讓之對曰民者國之本將軍天子之股肱肯令傷

其本乎提一部將而萬民安計將軍所樂聞也王嘆  
美之開化馬宜差挾舊邑印章誘騙氓爲變江山揚  
明恃砦柵之險叛服靡常愷皆定計擒之梟首以徇  
衆部內帖帖無譁民饑疫相仍死者枕藉道路則出  
倉粟使作糜哺餓夫脩惠濟局屑藥以注病者所獲  
生者不可勝數學校廢於兵愷爲後泮池築杏壇建  
極高明亭設博士弟子員孔子家廟之在衛者亦爲  
新之退食之暇集薦紳之徒摩切道藝人士翕然悅  
服諸暨戍將謝再興與部帥王甲有違言幾致

上令愷調解之愷善於說辭二人之懽如初邊鄙以寧同僉樞密院事李文忠以國之懿親握重兵鎮嚴陵上命愷往來佐其軍庚子夏六月僞漢寇龍江上召嚴陵帥葛俊擣廣信以牽其帥道過衢愷謂俊曰廣信僞漢門戶彼旣傾國入寇寧不以重兵爲守非大將統全軍以往不可若出偏師撓之未見其利設有挫衄吾衢先繹騷矣乃止俊而請大海行大海至而廣信潰一如愷言辛丑夏拜大海江南分其衆萬餘戍婺其帥劉震等相挺爲亂大海被害愷亦

及于難當難作時苗帥多公恩欲擁之而西愷正色叱曰吾天子大吏設不幸義當死寧能從賊反邪賊初縮首不敢犯拘繫一日而罵賊聲逾厲命左右取酒引滿竟日達夜旁若無人賊知不可屈乃遂刃之壬寅二月七日享年四十有六上駐蹕江西聞愷歿爲之嗟悼良久親爲文祭之及返金陵上復率群臣往城南致奠乃以其年四月十一日葬江寧縣鳳臺西鄉聚寶山之原洪武戊申春正月上正位宸極布告中外念及舊勲例頒恤典於是遣殯



已七年矣初愷既沒 上詔有司議贈奉直大夫浙  
東等處行中書省左右司郎中飛騎尉追贈當塗縣  
男且俾與享鵲籠山功臣廟中 上猶未慊其情至  
是復仍其舊縣進爵爲子以寵之愷狀貌龐偉氣局  
堅凝善謀而能斷嘗以事入諫 上弗聽愷却立門  
外旣暮猶未去 上出怪問其故愷從容諫如初  
上慨然從之愷於吏事尤長提律按比而飾之以儒  
術案牘經其裁削辭簡而意周喜爲詩歌與賓朋談  
笑尊俎間更唱迭和情意豁如也故於其歿也人莫

不傷之子文有學行今爲侍儀使階承直郎次行賊  
害愷之日行方侍側或勸其去行曰棄親而求生吾  
不忍爲也隨愷以卒次升童宋濂爲左史時侍上  
左右與濂論佐運之臣以字稱愷曰上用和經濟之  
才也吾將大任之惜乎早歿于難

單安仁

字德夫鳳陽人少有志事功雖爲府吏晝夜以洗冤  
澤物爲事當至正辛卯江淮兵起剽奪相屠流民遑  
遑無所寧居安仁奮然曰丈夫當出奇翦寇可坐視

父母之邦淪覆耶遂椎牛醢酒率健少年與飲整  
伍嚴器械教以坐作擊刺之法不一月間從之者數  
萬人新建壁壘橫亘三十里寇至輒揚旗鳴鼓大呼  
追殺俾無畱行乃止退則閉柵自守老弱襁負依爲  
保障者累十千家當是時豪傑角立割疆擅號令者  
比比而是乙未秋安仁遂移兵廣陵以觀變且曰此  
輩皆爲人作駟除爾真人之興氣勢自與恒人殊丙  
申冬安仁見 皇上威德日盛統六師而下金陵安  
仁曰向所爲真人者此真是已乃率部曲而歸之

上大悅明年令戍鎮江安仁嚴飭軍伍益自振勵敵  
兵不敢侵境居歲餘會朝廷始立提刑按察司以  
廉糾不虔上選安仁爲副使巡行浙水東悍將獍  
卒橫賦民糧曰寨糧務刻剝以蠹民安仁一寘於法  
金華民有訟其邑丞受白金者安仁詰之曰頗聞爾  
丞賢爾細民也奈何犯分而訴之卽圖其金短長圓  
方形來民圖上藏屏復命諸左證圖之人各不同安  
仁曰是非誣耶衆環目相顧無一語遂以其罪抵訟  
者告許之風爲衰辛丑陞按察使東方肅清莫敢譁

擾甲辰徵爲中書左司郎中時江淮甫定軍國庶務  
紛如亂絲安仁佐太師李韓公叅錯裁斷日就統緒  
事以無滯上益倚信之吳元年丁未闢浙中原漸  
平營建城闕宮殿脩朝享服節衣物延議可任其責  
者遂奏舉安仁爲將作卿安仁精敏多智凡所制量  
皆中法不苟明年戊申是爲洪武元年上卽皇帝  
位安仁陞嘉議大夫工部尚書仍領將作事二年夏  
改兵部安仁宅心中正能聲彰開年已六十有七自  
以精力衰孱請致其事上閔其勞從之贈田三千

畝牛七十角仍給尚書半祿養其終身退卜儀真珠  
金沙結廬以居六年夏上念安仁舊勲復詔中  
書起爲山東行省叅知政事安仁詣闕力辭而止八  
年復頒致仕詔加通議大夫益異數云

李質

字文彬號樵雲其先開封祥符人在宋季有仕於德  
慶者因家焉質生穎悟器度宏偉昂然負高志博習  
經史必期明體以達諸用當是時無有辟薦之者沉  
浮府掾中日以澤物爲己任無何中原擾攘嶺海多

事質起構義兵捍鄉里及德慶路陷士民遑遑無所  
依戴推質守之質日夜沒城隍繕甲兵扼險要以遏  
他寇由是一路賴之以寧時據鄉邑多剝剝殘恐質  
嘗戒麾下非遇敵毋妄殺或執敵人來獻率給衣糧  
縱之家富饒急於賑施三族與鄉里流寓之貧者咸  
有所仰以故一時名士如建安張智茶陵劉三吾江  
右伯顏子中羊城孫仲衍王彥舉皆聞風來歸及  
太祖高皇帝定鼎金陵遣師南討洪武戊申四月平  
章廖公忠叅政朱公亮祖總師至質遂散麾下全城

歸附總兵遣使入奏 上嘉質忠誠召至慰勞再三  
賚予優渥就擢中書斷事越明年己酉轉都督斷事  
偕 調大夫皆能執法丞相都督咸敬憚之五年壬  
子授刑部侍郎階中順大夫尋陞本部尚書階嘉議  
大夫尤慎於刑獄盡哀憐之情致淑問之頌寬猛適  
中爲上所知日益親幸時開行省於浙江 上念厥  
地素重號稱難治宜簡廷臣有德望未器者往綏之  
卽拜浙江行省叅知政事階中奉大夫是年秋九月  
也下車之初首以承宣爲已任振紀綱正風俗勸農



桑興學校舉遺賢恤民隱知無不爲爲無不力居三年惠流兩浙厥績以懋聲聞於上 天子念其老召還致政於京師嘗人見 帝賜坐便殿訪以時政得失直言無隱 上益重之八年乙卯冬十月復起爲靖江王府右相階資政大夫有 勅獎諭甚至質益竭忠誠以盡輔導之職嘗入覲因奏乞歸省墓上可其請 帝親揮翰賦詩以 賜復命藩憲元僚與府中官屬宴餞潯江之游人莫不以爲榮後王坐事去國質隨終焉質偉丰儀性孝友治家有法接人以誠

胤極顯榮情素冲澹暮年尤工於詩有樵雲集若干  
卷藏於家爲行中書省叅知政事分省於婺以控御  
東浙愷仍以左司郎中分治省事金華婺劇邑役民  
無藝愷令民自實田請都以糧多爲正里長寡者爲  
副正則以一家或二家充副則合四三至七八而止  
通驗其糧而均賦之有一斗者役一日賤與貴皆無  
苟免者金華周泰義烏柳昌恃鯁以蠹民愷逮至於  
獄皆痛懲之自是畏避不敢吐氣猾胥潛立道操金  
華一邑田賦之柄飛寄詭道並緣爲奸利廉其罪狀

以聞寘於法大海日治軍旅以畧嵎縣禦諸暨以爲  
已任分省之政皆愷統之愷挈綱布紀風采凜然僞  
吳將呂珍侵諸暨欲堰水以灌我城大海奪其堰反  
決水灌珍珍勢蹙乃馬上指天與大海誓請各解兵  
愷聞之移書謂大海曰彼狡謀爾慎毋聽今珍在重  
圍是天授首之日也大海不忍食言竟從之珍果敗  
盟而去

殉身錄

亡名氏

王禕進平江西頌 上覽而喜曰吾固知浙東有工  
儒者卿與宋濂耳學問之博卿不如濂才思之雄濂  
不如卿丙午同知南康元年出判漳州上疏勸 上  
法天道順人心以爲祈天永命之實五年命往諭雲  
南梁王不屈遇害其遺文有華川集玉堂雜著  
程國勝死鄱陽之難汪廣洋應制賦詩挽之曰黑雲  
如陳壓滕矐血戰消沉一代雄鐵馬降靈忠憤在金

紹追爵聖恩隆張巡節重凌煙上紀信功高汗竹中  
生氣尚疑君不死亘天終古作長虹

桑世傑

無爲州人

戊戌攻張士誠江陰石牌寇樂瑞整兵

出戰傑奮戈陷陣死之後附祭功臣廟 國初在廬  
則有精忠大節者四人曰楚公永安號公通海蔡公  
德勝永又侯就世傑也

曹良臣

安豐人

有功三年封西寧侯五年北征孤軍深

入陷 戰歿茅成

定遠人

圍蘇州軍婁門戰死孫興祖

涿人

三年北伐死于五郎口胡深

處州人

乙巳征陳友

定焉蹶被執不屈死

花雲

懷遠人

庚子守太平友諒以舟師入寇城陷不屈

而死妻郃氏生一子煒甫三歲聞雲遇害義不受辱

以煒付侍兒孫氏令善護之遂投水死諒軍孫氏

至九江孫氏恐兒被害以簪珥爲漁家嫗鞠之是年

冬王師敗僞漢孫脫身至漁家視兒在牕其亡竊負

以走宿陶穴中明日出江許僦舟以渡遇漢潰軍還

爭舟猝孫氏及兒投之江步山沒波中有斷木自上

流浮至附之入蘆渚中渚有蓮實孫氏取啖兒七日

不死忽夜聞人語聲呼之逢老父告之故與偕行明年辛丑達上所遂撫養之年十三授千戶

許瑗

樂平人

趙忠王鼎

儀真人

皆死太平之難

韓成

虹縣人

戰鄱陽漢軍圍我師

上方設奇成謂得

如紀信誑楚遂賜龍袍冠冕對賊衆投水死賊遂退

濮真

鳳陽人

國初征高麗被執王愛其驍勇欲降之不

屈加以办真厲聲曰

爾滅吾爾亦不日滅矣遂

剖心以示之王懼遣使入朝請罪真子與尚在襁褓

卽封西涼侯稍長令御用監鑄一王字牌懸與冠上

海朝禪人知所遜避

孫炎一足偏跛天台丁復句容夏煜皆以詩名吳遊  
二人間得其真趣乙未上召用之尋遷處州總管  
壬寅苗將作亂幽辱之令其解衣矣曰此綺裘乃  
主上賜我者賊勿解遂遇害

王愷太平人與大海守金華同履其難曾萬中劉齊陳

海同守吉安癸卯友諒遣蔣必勝饒鼎臣來取三人  
被執不屈死楊國興丁未與士誠兵戰死國初封宜  
興城隍顯佑伯于光戊徽州召還上解連環并縈



賜之二年死王保保之難孫處與徐達北征戰死落  
馬河周顯張耀平定龐煙李傑並從文忠北征死之  
顯尤上所愛嘗賜所服紫繡襖

李實

滁人

十二年從沐英平西羌與敵戰于土門乘

勝深入中流矢死 上特勅禮侍郎劉崧撰神道碑  
劉林洪武中土官作亂林擊賊至西賓融臺力戰而  
歿 上嘉其忠因改名其臺曰劉林臺

國初壬寅三月南昌降將祝宗等叛癸卯友諒圍南  
昌文武諸臣與之戰死者凡十四人趙德勝李繼先

劉齊許圭趙國昭朱潛牛海龍張子明張德山徐明  
夏茂成葉思成葉琛趙天麟立廟南昌歲時祀之

癸卯四月友諒以重兵來圍洪都日久守將朱文正  
遣使告急請援七月上率諸將統舟師二十萬往討  
之諒解圍東出鄱陽湖以迎我師遇于康郎山歷戊  
子巳丑庚寅等日連六大戰一時諸臣多效死者凡  
三十六人韓成宋貴王勝陳兆先李信姜潤丁普郎  
王鳳顯程國勝后明常惟德王德王咬住  
朱鼎張志雄李志高汪清常德勝鄭興袁華昌文貴  
俞和陳冲王喜先汪澤丁宇達德山羅世榮史德勝  
徐公輔劉義陳弼裴建祠于康郎山歲時祭之  
軫王理王仁曹信

致身錄

東吳史仲彬

洪武三十一年戊寅

閏五月辛卯建元帝卽位

冬十一月史仲彬

以明經除翰林院侍書

先是洪武二十四年彬應詔執貪縱官吏延見高

皇帝條具若干言當時俱付法司論處高皇帝

命主政戶部彬恐錢穀事重頓首固辭更訪治道

稱旨賜酒饌于廷及鈔四百錠驛舟傳歸建文

帝卽位越五月詔起山林才德士有司以名聞適

監察御史劉有年上儀禮十八篇并叙彬明經儀禮

故彬家所藏劉夙與講習

至是上之于朝命藏秘閣特詔所在禮請來京十

一月十八日陞見試四書疑一道欽授翰林院

侍書

階待詔上正九品秩

建文元年春正月遣往衡山

告即位也元旦上受朝賀畢謂侍臣曰朕奉天

地山川之靈以登太寶改元伊始將告五嶽神祇

其命儒臣以往閣臣按彬衡山初六日陞辭閣三

月報命

夏四月更定官制疏諫不報

用壽州訓導劉亨言乃方孝孺等議大加更定  
彬具疏大略以安靜注為言會金華樓璉亦上  
疏稱引孟莊子之孝於樓疏批此與昨史仲彬  
疏同意此正所謂知其一未知其二者六卿果可  
甲於五府耶祭酒果可在於太僕下耶假令皇  
祖而在當必以更定為是羣臣勿復言

秋七月廷片監察御史尹昌隆為奸黨因薦魏國公  
徐輝祖上嘉納之

時燕藩已稱兵兩月矣昌隆手疏而奏勸上讓位  
守藩廷臣愕然彬執笏麾之曰天下乃太祖之  
天下非皇上所得私授者一人逆命遂舉而授  
之尤而效之又何以焉選將募兵今日急務臣竊  
見魏國徐輝祖忠義性植智勇絕人以當一面燕  
可平也昌隆狂言惑世請速加誅上曰人臣之  
義當以仲彬爲正昌隆素有敢言之氣其勿爲罪  
二年春三月疏均江浙賦役從之

時建文帝正值更制彬乃上疏曰國家有惟正之

供賦役不均非所以爲治江浙本賦重而蘇松嘉

湖又以籍入沈萬三

江松

史有爲

嘉興

黃旭

蘇州

紀定

湖州

準租起稅此以繩一時之頑豈得據爲定則乞悉

減免以蘇民困竊照各處起科畝不過斗卽使江

南地饒亦何得倍之奈有重至石餘者臣往年面

奏先帝賦歛太重蒙 旨嘉勞特以臣本蘇人

而史有爲又臣之族屬也恐坐以私未敢盡言幸

皇上明聖每事從寬敢竭愚忠伏聽採擇疏上

詔可蘇松準各處起科蘇松人仍官戶部

夏五月改彬爲徐王府賓輔仍兼原官

階長史下  
正六品秩

時三王未遣之國長史以下諸員直宿內閣參議  
事宜多見親幸故壬午削籍殆盡焉

三年春正月副工部尚書嚴震直督餉山東閏三月  
彬歸報命

轉餉已專責嚴震直在餉之者曰敵情虛實并將  
士強弱密偵以報閏三十八日還朝見上于  
文華殿奏夾河之役非人罪也盛庸智深勇沉  
當今將略還爲第一至莊王張能楚智平元



塞旗力戰以众宜急加恤典以爲風勵燕王用兵  
變化不測用強恃壯親掠我陣幸庸結陣甚堅屹  
不可動復以單騎逼營越宿鳴角穿營而去蓋恃  
勿殺叔父之諭也軍中衆謂 皇上失之太仁帝  
曰奈何已有是命不可返也默然者久之更奏機  
密事十二條 帝屹左右曰勿洩因誦君不密則  
失臣臣不密則失身機事不密則害成之句叩首  
而出

冬十一月以省親還鄉隨賜 敕命

自轉餉歸請告凡四不許至是得請適 皇少子  
以十三日生查京官歷三年滿者得一五百十二  
人帝親制詞彬以前二日滿考 皇帝勅曰國家  
建官文武殊局中外分曹等最辨職難兼也爾徐  
府賓輔兼翰林院侍書史仲彬用明經起家矢盡  
忠報國或校書或轉餉或密疏或面陳文材兼武  
畧俱隆輔恭與襄 帝竝茂朕資啓沃實用弘多  
階爾承德郎妻沈氏爲安人追厥所自父母有教  
育之恩忠孝本一致之理爾父居仁從爾階爾母

黃氏從妻階給假歸家以申寵錫父母深恩今已  
展矣國家多事爾母

特 勅十八日奉旨發

中書科謄寫與他二十一辭朝限二月以裏來京  
四年三月彬入京陛見口授翰林院侍讀

時北兵日逼詔勤王者分道四出遂依限單騎入  
京戒其子曰而父官雖卑祇 朝廷恩寵見幾引  
避非所願也萬一有難爾守 先帝孝弟力田之  
諭以成家保身毋爲我慮

夏六月庚申廷議避難彬請從方孝孺堅守之策

燕王渡江李景隆往許割地不許還報上愕然無措羣臣慟哭茹瑺等請幸湖湘王章等請幸江浙方孝孺謂當堅守京城以待四方之援衆議譁然不決彬獨以方言爲是樓璉亦言效死勿去爲正上微首肯羣議乃定燕兵薄金川門監察御史魏冕及彬請誅徐增壽從之先是燕兵將薄城下左都督徐增壽謀降魏冕廷殿之至是在左順門語同列曰皇上必面縛出降乃可魏冕與彬並請加誅帝怒甚下殿手劄之復請誅李景

隆手詔召來使未至金川而門已獻矣

大內火起帝從鬼門遁去從者二十二人

時六月十三未時也 帝知金川失守長吁東西

走欲自殺翰林院編修程濟曰不如出亡少監王

鉞跪進曰昔 高帝升遐時有篋遺曰臨大難當

發謹收藏奉先殿之左羣臣齊言急出之俄而昇

一紅篋至四圍俱固以鐵二鎖亦灌鐵 帝見而

大慟急命舉火焚內程濟碎篋得度牒三張一名

應文一名應能一名應賢袈裟帽鞋剃刀俱備白

金十錠朱書篋內應文從鬼門出餘從水關御溝而行薄暮會于神樂觀之西房帝曰數也程濟卽爲上祝髮吳王教授楊應能亦願祝髮隨亡監察御史葉希賢毅然曰臣名賢應賢無疑亦祝髮各易衣備牒在殿凡五六十人痛哭仆地俱矢隨亡帝曰多人不能無生得失有等任事著名勞必究詰有等妻兒在任心必掛牽宜各從便御史曾鳳韶曰頃卽以死報陛下帝麾諸臣大慟引去若干人九人從帝至鬼門牛景先以鐵棒

啟之若不用力而卽是解者出鬼門而一舟緣岸  
以待十人乘舟舟人頓首 帝問汝何人何爲至  
此對曰臣乃神樂觀道士卽前 皇上賜名王升  
昨夢 太祖高皇帝緋衣南向御奉天門令兩校  
尉縛臣詰曰汝提點扶六品何爲臣頓首謝不知  
曰明日午時可于後湖戲大舟至鬼門外伺候汝  
周旋勿洩後福未期不然難逃陰殛臣是以知  
陛下之來也 晚憩息觀中徐議行止舟止太平  
堤畔王起導前間步至觀已薄暮矣俄而楊應能

葉希賢等十三人同至其二十二  
人兵部侍郎廖平襄陽人刑部侍郎金焦貴池人翰林編修趙天泰三原人浙江按察使王良祥符人四川叅政蔡運南康人刑部郎中梁用玉定海人監察御史葉希賢松陽人程濟績溪人中書舍人梁良玉梁中節俱定海人宋和臨川人郭節連州人邢部司務馮淮黃岩人所鎮撫牛景先沅人王資陽應能劉伸俱杞縣人翰院待詔鄭洽浦江人欽天監正王之臣襄陽人太監周恕何洲及徐王府賓輔史彬



吳江人上曰今後但師弟稱呼不拘禮數諸臣泣  
啗廖平曰諸人願隨固也但隨行不必多更不可  
多就中無家室累并有弊力足捍衛者多不過五  
人餘俱選爲應援爲使師曰良是于是環坐于地  
享道士夜食酌定左右不離者三人比丘楊應能  
葉希賢道人程濟往來道路給運衣食者六人馮  
灌時稱塞馬先生時稱馮翁時稱馬公時稱馬二  
子郭節時稱雪菴後稱雪和尚宋和時稱雲門僧  
時稱稽山主人時稱樸主趙天泰適衣葛稱衣葛

翁時稱天肖子王之臣家世補鍋欲以此作生計  
號老補鍋牛景先稱東湖樵時稱東湖主人師曰  
吾今往滇南依西平侯彬曰大家勢盛耳目衆多  
况新主諒不釋然能無見告不若往來名勝東南  
西北皆吾家也弟子中有家給而足備一夕者駐  
錫于茲有何不可師曰良是於是更舉七家廖平  
王良鄭洽郭節王資史仲彬梁良玉師曰此可暫  
不可久况郊壇所在明旦必行將何所之衆疑  
江而鄭亦曰族俱忠孝可居也夜分師病足骨度

不能行微明牛景先與彬步至中河橋畔謀所以  
載者有一艇來聞聲爲吾鄉人急叩之則彬家所  
遣以偵彬吉凶者也與牛大快亟迎師且至彬家  
諸人聞之且喜且悲同載八人爲程爲葉爲楊爲  
牛爲馮爲宋餘俱散走期以月終更晤取道溧陽  
依叔松隱所不納八日始至吳江之黃溪奉師居  
所居之西偏曰清遠軒衆出拜師亦大適明旦改  
題水月觀師親筆篆文閱三日諸弟子至彬家相  
聚五日師命歸省

八月十五 勅命師逸去 新皇帝追彬

新皇帝卽位之九日編籍在任諸臣遞去者四百  
六十三人卽日削籍戒毋齒及八月着禮部行文  
書各州縣追繳革除諸勅至是蘇州府差吳江邑  
丞鞏到彬家追奪且曰建文帝聞在君家彬曰未  
也微哂而去明日師回兩比丘一道人入雲南餘  
俱星散期以來年三月集于襄陽廖平家

癸未正月彬往襄陽

正月二十日爲襄陽之行三月初二日至廖平家

牛景先已先在矣閏六月馮淮自雲南來四人相對大慟馮告以師向留雲南之永嘉寺亦甚安妥明年來遊天台今年無煩往來復居停旬日諸弟子俱會惟梁良玉已物故矣月終東歸

甲申八月大師同楊程葉三人來家

先是七月牛景先來言師將至矣至是八月初九日天將暝一僧突至忠孝堂彬及家人出拜畢飲至重慶堂已舉燈矣而楊程葉亦至舉酒半酣師曰我明日當即去彬惶悚曰弟子掃門而俟久矣

卽有不肅師當見原本意欲留師幾月奈何明晨  
之云乎師泣目彼方覓我而圖我昨於四安道中  
見冠蓋來者睜目而視此臣我曾目善之彼必有  
以奏也東南通臣屈指先汝我去政爲汝計相對  
而慟久之且曰此近宮闕不便彬曰亦不妨視師  
衣履敝甚固留三日命家人製衣師服師用綿紬  
大小計十六件楊程葉俱用綿布大小計三十有  
六件白金十兩爲資十三日清晨彬隨師爲兩浙  
之行杭州計遊廿三日天台雁宕計遊三十九日

會馬二于稽山主人金焦亦來于石梁間且云諸友俱約於此一會然終不一見時天氣已寒師欲返雲南固却諸人而去

丁亥春三月同何洲往雲南謁師

正月中遣僮往海州請何洲同到雲南三月終纔到留五日彬携一僮三人皆道人飾行二月得至連州訪郭節適故翰林檢討程亨在焉相持痛哭徐曰師近來在重慶府之大竹善慶里有杜景賢築室與君吾四人同往候之留二日遂行至所謂

善慶里師不在杜亦不在時朝廷偵師密而嚴有  
胡濬鄭和數往來雲貴間彬等夜則同宿日則分  
行相與行乞于市者旬有六日一日彬于寺舍傍  
暫息比丘程濟熟而視之曰汝在耶彬起鼓掌曰  
是急叩師程曰已結菴白龍山深處矣去此不遙  
兩人淚下如雨不敢出一聲比晚同諸人以往程  
爲導時七月十八日也月色皎然上下山坂逶迤  
曲折約行十八九里而菴在焉天已微曙矣扣扉  
而出者爲楊應能旋拜師榻前師顏色憔悴形容



枯稿葢夏日患痢因有戒嚴不能時時出山爲膳  
狼狽至此對面慟隨問曰汝等帶得方物爲我嘗  
否各爲獻彬獨有僮而所獻豐况當年職居禁近  
知師所好若金華火肉淡菜金山魚膾笋鱖雉豆  
肉鬆六味見之大喜卽命熟火肉啓床頭樽酒啖  
之曰不啻此已三年矣謂於彬家嘗後無之也翌  
日師率由山中自近而遠日以爲常甫一月郭與  
程以事請行彬亦以請師曰汝遠來固當久留因  
問汝子年幾何曰十六歲矣能辨事否曰尚在書

堂曰欲爲官乎曰必不敢相與唏噓久之自後屢請屢留竟延至明春三月行之日師痛哭失聲囑曰今後勿再來道路阻修一難關津盤詰二難況我安居不必慮也彬等叩首領命而行

庚子秋八月彬往雲南

自南遊以後嘗有以奸黨告者雖獲宥於上官心嘗惴懼十餘年來無日無滇南之思終不得往且臨行師囑恐彼此俱戾至是革徐之禁稍稍寬矣決中秋携一价以往始至南康蔡蓮家旣至襄陽

廖平王之臣家復至連州郭節家俱已物故矣遂  
至雲南循白龍山菴故道了不見所爲菴者山旁  
有一民居詢其老婦則曰向來上司官來已毀矣  
問僧徒則曰不知所之暗中流淚曰彬不遠萬里  
來得一面師歟且瞋目不則得一音耗歸家亦安  
凡值寺院靡不拜禱循遊數郡幾兩月餘一日在  
鶴慶忽一比丘指曰汝尋師耶彬愕然比丘曰因  
忘我耶彬曰汝師何名曰文大師是也亟問何所  
曰在隨之去三日得至師所師兀坐一室見之大

喜菴在平陽前後深林密樹不下數里爲浪穹所轄地先時葉希賢所募建者甫落成兩人已故菴之東卽埋之於是師命舉所饋獻奠之呼僮沽酒是夕盡歡前此戚容愁氣殆消融矣惟言及楊葉則嗟歎久之流連彌月遣歸

甲辰秋七月洪熙改元八月彬往雲南

八月十三日自家起行九月二十二入湖廣界投宿旅店主人曰內有兩道可與俱彬入見一道鮑鮑床上睨之師也伺其覺師喜曰此來何爲曰來

訪師彬曰師欲何往曰訪汝等言及榆木川皆色  
喜彬問道路起居狀答曰近來強飯精爽倍當明  
日卽偕下江南以從陸路十一月始得抵家至之  
日具酒饋於重慶堂師位上程濟東列彬西列有  
從叔祖名弘者嘉興縣史家村人也直入至堂上  
彬不得已亦與坐問師何來彬未及答卽起趨出  
招彬曰此建文皇帝也彬曰非也弘曰吾曾于東  
宮見之當吾家籍沒時非是吾無死所矣活命恩  
主也彬不得已以實告弘卽稽首堂下涕泣問向

來狀師曰虧這幾箇隨亡的人給我衣給我食周旋夷險之間二十年來戰戰兢兢復大慟慟已徐曰今想可老終矣弘曰師今欲何之曰欲遊天台諸勝弘曰吾當具一日之積隨行居數日師行成彬曰有叔在爾勿往也也弘從之去去明年三月復來擬往祥符渡江彬送之江上偶有洪熙升遐之問師顧曰吾心放下矣今後而可往來想關津不若昔之有意我也且喜且悲止程濟從彬等覲渡而返

此先君事主之顛末也先君性忠孝一飯不敢  
忘君從亡一節爲仇訟凡十有七竟以此歿先  
君終不爲悔歿之前一日不肖往獄中先君曰  
我歿矣卽不望若遠行來時得謹事一食周給  
我瞑目也致身錄十八條存之以志一生之概  
然勿示他人戒子若孫毋輕示人雖 今皇帝  
寬仁長厚此節事自不可知慮有亦族之禍子  
孫言及此者以不孝論時宜德二年丁未三月  
初七日也閔三日竟歿明年不肖訟冤於按臺

寘仇于死但先君所不忘於師者自後絕無音  
耗至九年甲寅五月兒婦患產凡四月家人惶  
惑無措適老僕密言前道人在外屢急迎之入  
方稽首于地而耳間微聞已產男矣師悲先君  
之亡旋喜產男之慶命名曰文隨轉語曰我文  
也而不終將無疑耶適一宋史在案更命曰鑑  
師精于祿命詳鑑于平日是兒當貴晟曰不求  
貴得識字成家足矣師曰卽不貴當以文名世  
留五日晟具衣十件并行糧爲會稽之遊程濟



從迄今十又一年不知所之時正統戊午五月  
望不肖晨謹識